

光緒江西通志

江西通志卷七十七

建置略四

壇廟五

饒州府

社稷壇在靈芝門外明洪武初建

謝志

先農壇在路口十里鋪雍正三年建

謝志

神祇壇在永平門外薦福山并祀鄱陽湖神

謝志

厲壇在朝天門外明洪武間知府王哲建

謝志

文昌廟在茶場巷舊在城外浮洲寺側嘉慶十九年知

府陳超曾狄億知縣馮履晉移建今所

府志

關帝廟在府治朝天門外舊名義勇廟一在東街上

謝志

城隍廟在蠓洲門內舊府學東

舊志作在蠓洲門遷建舊府學東誤今從府縣

志改 舊在毛家巷明洪武元年太祖克江州幸鄱至南

門外御書額曰城隍之神祀以少牢八年知府王哲遷

建今址

國朝康熙十年知府王澤洪重修二十年知府黃家遴捐

建道光二十六年知府胡正仁修咸豐三年燬於寇同

治二年知府吳秉衡修

謝志府志

鄱陽縣城隍廟在縣治左唐時建嘉慶二十三年知縣

馮履晉重修咸豐三年燬

謝志府志

火神廟在城東隅康熙二十五年知府黃家遴知縣王

克生倡建乾隆五十六年知府蔡齊明知縣陳盤言修

咸豐三年燬同治二年重建

府志

龍神廟在城西隅雍正四年知縣張以誠建咸豐三年

燬一在義感鄉

謝志府志縣志

三皇廟在府治北東華巷元建祀伏羲神農黃帝已廢

謝志

吳文王廟在毛家巷祀漢長沙王吳芮舊在州治內宋

知饒州范仲淹遷治西北元延祐中郡守王都中修明

善碑記饒舊有番君廟范文正公爲守時改作於州治西北距今蓋三百年廟日以壞延祐四年三山王君都中爲守乃重作之廟旁又作芝山道院番君廟者祀漢長沙吳文王芮也方秦毒虐天下秦吏亦乘之而毒虐其民存者竊然咸思覆秦殺吏獨鄱陽令得江湖間民心號曰番君及諸侯兵起遣梅將軍鉅助漢入關封王長沙功著漢令然番奚有王之功高哉徒知令之德我而已後雖去而饒郡世世不忘廟而祠之尸而祝之此民之心也此文正公之所爲改作也王君忠信而說禮連治大都皆著能聲今守饒又能迹前賢所爲以爲治安知今日所思者他日不以思王君哉廟成圖之以寄郡人元教嗣師吳真人曰此真人嘗勸我者今成矣廟當有記真人屬筆於明善遂作漢番君廟碑其頌曰翼翼新廟有寢有堂薦我溪毛與我酒漿靈舞靈歌冀其

來享誰繫君駒芝山之隅誰維君舟番水之湄君不來
游增我百憂靈風清淒陰雲冥迷彷彿君旗導以兩螭
君其假思使我心彝君既醉止錫我繁祉庫有稻粱倉
有絲枲飽煖而嬉疫癘不起太守作廟從民攸好春而
有祈秋而有報猗尋拓建永平門外觀碑銘番君廟文惠
千萬年君子是倣廟在郡治之廳事故宋郡守范文正
公遷之城西北國朝延祐中郡守王都中以廟之久敝
更新之郡人元教大宗師吳全節作芝山道院以主其
廟故翰林學士元明善爲書其事作迎送神曲以祀神
焉郡人以廟隘弗稱所以尊敬番君者袁仁慶之別業
在永平門外平衍寬阜因元妙觀佳持王仁近致諸大
宗師以爲番君廟仍作爲宮於其側以守視之仍改至
元之三年自舊廟奉番君之舊像以居仍以梅鉞將軍
脩食守將吏士各率其屬庶士庶民後先奔走不約而
集道迎有序至廟具少牢醴幣大合樂以饗之民大悅
明年大宗師言於朝天子遣使者封陞香織金文之幣
爲之衣以賜敕翰林院畫旨賜文惠觀俾有司勿敢有
所撓因命顧神凝素文教真人于有興及朱道冲方志
遠治觀事而太常議番君當易名曰文惠王文因漢舊
諡而惠者著其流澤故鄉之無窮也觀以是得名廟有
故守臣顏魯公及范公之祠郡人以爲故萬戶齊某世
以其兵守饒亦有別祠前太守今浙省參政王都中能
治郡亦畫像而事之而施田度弟子甲乙治觀事者志

遠也六年九月朔旦天子清暑上都還次懷來集賢大
學士不刺失利等用大宗師言新廟之宮宜勒銘有敕
以命臣集臣謹案番君事見史策世能言之漢諸侯王
惟長沙最久國分而微而廟祠在番易干數百年不絕
得民心者若是其久乎抑神明之感有所在乎昔徐偃
之得民避穆王而去之民祠之太末太末之徐偃其
李唐時徐氏子孫有守其郡者大新其廟韓愈嘗書其
實焉吳泰伯世家春秋末吳益大與中國會盟季子之
賢仲尼猶稱之既無其後子孫散處蓋以國爲氏番君
又以吳氏興名最著至德之傳其不可以名稱如此哉
又富卿相莫及位特進其號曰真人其大父有武宗
安富卿之錫命若世世祚饒國建立爲公於是大宗師因
皇帝之賜履遠推本於宗家再作番君之新廟極其盛
大其亦傲於徐氏之故乎臣集敢不拜手稽首奉詔著
銘以遺之其詞曰有吳世家於赫番君相是有歸克渙
其羣江南之東惟番最大洪源盛流彭蠡其匯大納有
容保和以冲含生所資神明來宮額廣千里中城聽治
民之來享出入多制神道尙幽人道德明別而理之新
宮乃成既遷既好歲久而傲東門有田萬神攸萃自堂
徂基棟宇言言靈之洋洋來享來安顧瞻故鄉孰非吾
土隨感有見甯滯方所相方度新在我曾孫曾孫孫子
思著思存道家之宮以祀上帝則具是依易其有替文
惠之衰人無異辭有煒裳衣天子錫之神之格思食爾

舊德勿私爾邦惠我四國史臣修明洪武初知府王哲
詞麗牲有碑百神敬共明詔在茲
遷今址

國朝咸豐三年燬同治七年吳氏裔孫重建

謝志

寶福侯廟在芝山相傳祀漢樊噲以禱雨有應宋元豐
奏封寶福侯元末兵燬

謝志

珠湖萬碩靈順王廟在府治相傳神姓趙名迪有道術
山漢至梁猶存宋元豐中賜廟額曰仁濟

謝志

東嶽廟舊在芝山東宋宣和間移建府治北

謝志

堯山廟在義感鄉相傳神堯時人避洪水於此歿爲神

謝志

珠湖廟在義感鄉珠湖之濱

謝志

屈原廟在崇德鄉俗名水府廟每旱禱立應

謝志

韓信廟在韓山

謝志

梅銷廟在車門山

謝志

雷煥廟在和南鄉今爲祈雨之所

謝志

郭西廟在永平關本池州神能彌火災宋時迎祀於此

謝志

劉巡官廟在永平關祀隋大業閒郡陽巡官劉宗宏

謝志

蜀三大神廟在禮遜坊宋邑人彭大雅帥蜀歸立廟一

爲嘉州太守趙昱一文昌一蜀郡太守李冰今廢

府志

忠靖王廟在永平關祀唐張巡明知府李益重修建旌

忠閣於後

國朝嘉慶道光閒先後修葺咸豐三年燬同治二年重建

謝志 府志

縣志

忠烈康王廟在魁輔坊北祀宋康保裔元末燬明重建
國朝順治中燬康熙二十二年復建乾隆十二年知縣黃
登穀修五十八年知府蔡齊明知縣陳盤言重修府志
祠山廟在妙果寺旁神姓張名渤字伯奇武陵人元僧
南楚奉其像於祠明參議李天植撤而廣之謝志

晏公廟在城西祀元文錦局堂長晏戍仔明洪武間建
國朝同知劉愈奇修乾隆五十四年重修謝志
府志

九賢祠在府治內祀吳周魴晉虞溥王虞梁陸襄隋柳
莊梁文謙唐張廷桂顏真卿李復爲九賢後增祀李吉

甫馬植謝志
名勝志

忠孝行祠在府城靈芝門內祀晉石敬純宋咸淳間重
修內有古柏人不敢伐謝志

顏范二賢祠在薦福寺後祀唐顏真卿宋范仲淹宋在

州治頒春堂州守王十朋為遷於慶朔堂右王十朋記

同時而生得同時而祀者勾龍秉同祀於壇為社稷之

佐周公孔子同祀於學為先聖先師顏子孟子同配食

於文宣王之廟功同道同時不必同也唐顏文忠公國

朝范文正公其時異道同者歟忠孝之性仁義之學文

武兼資之才正色立朝見危致命毅然不可奪之大節

特書大書於史如出一身使其易破西賊之膽威而臣之

如嚴霜烈日可畏而仰顏必能破西賊之膽威而臣之

為慶曆中變處也又皆以直道不容出守於饒遺愛

在民至今饒人語太守之賢者必以二公為首歲時祀

之不絕隆興甲申秋七月某初至郡訪二公之像或卑

居乎老氏之宮或雜處乎九賢之堂廟貌不稱祀事弗

度於典為缺郡圃有堂名慶朔文正所建也遂即堂以

祀堂之右有宇而虛命工葺之塑二像合為一祠以時

祀之先後而左右焉書二傳於壁後十一月丙寅帥同僚

正九賢之中於斯為盛祠宇一新丹青輝映凜然如生

尚餘剛勁以激忠義以警邪佞福我邦人不禱而應不

水不旱無兵無病血食萬年孰敢不敬祀事之初神乎

其聽聞謝祠文二公名節百世所師俱瞻祠像泰山北

在死者可作非公孰歸某濫竊郡符獲瞻祠像泰山北

斗心寶墓之視事之初敢不躬告

後廢明嘉靖閒知府王健同知徐枋

重建今所

國朝康熙閒毀合郡重建增祀王十朋額曰三賢雍正閒

復毀道光四年重建仍其額曰二賢

謝志府志縣志

程剛愍祠在舊縣學右祀宋程振端平閒州守林杲建

李伯玉記聖上端平初元彰善癉惡發微闡幽以剛愍程公死節靖康忠義彪炳特官其曾孫東明年郡守林君杲俾郡博士徐君堯章設公祠學宮而以其四世孫及典奉烝嘗蓋十有五年矣東謂伯玉盡為之記伯玉問之死生之變亦大矣志士仁人甯舍生取義殺身成仁者所欲有甚於生所愛有大於身也靖康之難天地磔裂日月晦蝕忠臣義士捐軀效死者前後相望故種師中楊可勝王彥劉顯忠李消將興祖高師旦死於戰張確趙伯孫張彥通韓總單孝忠賈直霍安國林淵張彭年趙士諤張湛于潛沈敦張行中郝仲連父子死於守王稟李遊張克猷郭澣朱克恭死於義姚友仲何慶彥劉延慶光國陳福死於兵張忠文叔夜以不食其粟死劉忠顯給以不仕北庭死李熙靖孫逢以不從僞命死蔣宣李福以謀服君父死以至黃經一內臣徐揆一太

學生竇鑒一從事使臣或以望闕不去死或以上書
 曾死或以不忍交矢鏃於敵營死而尤大著明則忠
 李節使王履宣贊吳革與梅程安陳四公之事也龍溪
 汪公誌程公墓謂與梅公謀結兵擣金營迎還二聖范
 瓊洩其謀於金金托金帛不當時言之公等身膏斧鑕而時
 冒死直前遂及禍焉自當時言之公等身膏斧鑕而時
 雍秉哲儔及之輩臘美官一死一生而榮悴判生者信
 得計矣曾幾何時而善惡昭白誅賞大明彼偷生浮榮
 何啻朝菌暮葬而遺臭史傳與羿浞等若公之精忠大
 節昭揭宇宙雖世之相後百有餘歲天子哀其忠邦人
 慕其義尸而祝之社而祀之過其下者屏營太息凜手
 如生存也夫是非之心人皆有之善善惡惡藏於神明
 之舍如明鑑不可亂妍醜權衡不可欺輕重彼亂臣賊
 子豈獨無是心哉愛惡相攻情偽相感前有勢利之誘
 後有患難之驅遂乃陷溺而喪其本心焉逮夫歲月逾
 邁情偽寂寥其昭昭靈靈者始不可泯於以見秉彝好
 德之真不由生而存不隨死而亡也且二氣五行之運
 何有終極人以藐焉之身自託於天地之間百年露電
 生死醉夢如盆盎蚊蚋興仆何限貪夫殉利烈士殉名
 夸者死權品庶憑生宜何擇哉屈子曰甯正言不諱以
 危身乎將從俗富貴以媮生乎後之謁公祠者將揚已
 然於中而不能自已東請以是識牲石而告來者已

廢謝志

洪忠宣祠在府治右茶條巷內祀宋洪皓嘉慶二十二

年重修

謝志
府志

江古心祠在六條巷額曰濟忠祀宋丞相江萬里舊在
府學東亭子巷口裴春奏建後廢

國朝康熙三十一年改建於此

謝志
府志

陶守祠在三皇廟西廡祀明初知府陶安後廢

謝志
府志

胡忠臣祠在白蓮池北祀明大理卿胡閨女貞姑祔祀
後圯康熙間知府黃家遴與番君廟並建額曰文惠忠
烈二祠雍正間邑人史大壯改建頭門額曰忠烈

謝志
府志

三賢祠舊名集賢祠在府署西康熙三十二年知府李
昉建祀唐顏真卿宋范仲淹洪皓王十朋唐文若唐震

胡銓元王都中魏中立明陶安陳新會張有譽張並叔國朝梁以桂翟鳳翥後圮嘉慶十九年知府陳超曾改建

署儀門左祀顏真卿范仲淹王十朋易今名

府志

陶余二公祠在南隅大街舊爲秦公講堂乾隆閒邑人改祀陶桓公又以余廷瓚祠在碩輔坊明代建久燬並改建於陶祠左後楹仍爲秦公講堂合祠

府志

二忠祠在文昌廟西祀鄱陽知縣沈衍慶樂平知縣李仁元以都司畢金科陪祀咸豐六年奉

敕建

府志

屈道祠在碩輔坊祀候補道屈蟠同治六年奉

敕建

府志

昭忠祠一在府城隍廟西嘉慶閒知縣吳琦奉文建祀

饒州營浮梁營從征湖北河南陣亡弁兵咸豐三年燬

一在北沖陽祀咸豐閒陣亡團練紳民

府志

節孝祠在縣學外

謝志以上鄱陽

餘干縣社稷壇在順民門外楊坪

謝志

先農壇在迎翠門外排岡

謝志

神祇壇在南隅大慈寺趾

謝志

厲壇在拱極門外華林岡

謝志

文昌宮在拱辰門外道光九年建

府志縣志

關帝廟在通賢門外舊在城東仇香寺右久圯今建此

謝志府志

縣志

城隍廟在武靖門內舊在元明觀舊趾同治四年署知

縣孫灝移建

謝志府志

縣志

火神廟在通賢門外嘉慶二十二年重建

府志
縣志

東嶽廟在通賢門外明崇禎四年建

國朝康熙十年雍正七年嘉慶二十二年累經修葺

府志
縣志

志

吳山祠在大慈北鄉祀漢吳芮以英布梅銷配

府志
縣志

許真君廟在縣東仙人峯相傳晉許遜於此上昇

謝志

余鐸廟在縣西白雲城唐黃巢亂鐸捍禦有功民立祠

祀之

謝志

趙福王祠在城西藏山祀宋丞相趙汝愚

謝志

正學祠一在東山麓明萬厯六年建祀胡居仁一在梅

溪嘉慶十八年陳其謨建名胡文敬公祠

謝志
府志

古城祠在東山麓祀明布政張吉後圯附祀東山書院

乾隆二十四年祀生張紹武廩生張學賜重建謝志府志

二賢祠在東山祀明胡居仁張吉繼祀蘇章萬厯開祠

圯附祀東山書院府志縣志

理學祠在東山書院雲風堂後原祀宋趙汝愚朱子趙汝觀明李夢陽配祀宋曹建柴元裕饒魯明胡居仁後增配張吉又增配蘇章李英李頤乾隆二十四年知縣李世仁并舊理學祠正學祠二賢祠合建今處咸豐九年知縣李寅清重修增配祀

國朝張時爲府志縣志

忠臣廟在康郎山舊屬都陽誤祀明初死事之臣凡三十六

人封公爵一人丁普郎侯爵十二人韓成宋貴王勝陳兆先李信金昶呂文貴李志高張志雄徐公輔劉義陳

弼伯爵二人程國勝王咬住子爵十三人姜閏石明王

德常惟德遂德山汪清朱鼎裴軫王鳳顯王喜先陳沖

汪澤丁宇男爵八人袁華鄭興曹信史德勝翟世榮常

德勝王理王仁天順閒建明孫原貞記人臣死忠享廟祀於其死所者如紀信血食

榮陽乘黃屋誼楚脫君難以死於此張巡許遠南霽雲雷萬春血食雖陽守孤城扞寇盡臣節以死於此韓成

宋貴等三十六臣血食康郎山恭天討偽漢列君義以死於此是皆得其死所而有功於當時者也然漢滅楚

而高祖之帝業成唐滅安史而肅宗之舊業復我太祖高皇帝滅偽漢而大統猶未集四征僭亂將士固有力

戰而死者獨韓成等如漢之信唐之巡遠廟而祀之何哉爰自王綱解紐紅巾倡亂偽宋韓林兒據中原偽漢

陳友諒據江漢偽吳張士誠據浙西偽夏明玉珍據巴蜀其他竊據猶眾天命高皇帝龍飛濠泗忠良景附成

等咸際會風雲於其閒由是撫有淮甸遂平江左定都金陵陳友諒發蒙衝驅醜類攻圍我豫章天威震怒躬

率舟師進討於鄱陽湖之康郎山我將士一心整甲兵操舸艦受廟算應神機乘風以陷其陣飛火以焚其角

出奇以擒其虛設伏以襲其遁大戰五晝夜成等皆當先督戰惟君令是聽義不顧身衝鋒刃而必進冒矢石

而不避乘勢破其堅奮力挫其銳決勝以死其間爲漢
兵被殺傷焚溺而死者以萬計大破之湖口我軍復追
擊之陳友諒中流矢死餘眾隨降而江漢平自後平諸
僧亂靖中原定燕京所至望風降附有弗順或一戰
而降或再戰而克未有若康郎磨戰累日克大敵滅大
慈皇明龍興實肇基於此其敢死破敵有功之臣又皆
重瞳親見其忠肝義膽簡在宸衷是宜褒封建廟於餘
于康郎山封侯爵十二人韓成宋貴王勝陳兆先李信
金昶呂文貴李志高張志雄徐公輔劉義陳弼公爵一
人丁普郎伯爵二人程國勝王咬住子爵十三人姜閏
石明王德常惟德遠德山汪清朱品裴軫王鳳顯王喜
先陳冲汪澤丁宇男爵八人袁華鄭興曹信史德勝翟
世榮常德勝王理王仁序其位次聖其像貌定其祭儀
主祀事者縣官也縣令邵崑偕丞張永主簿楊信皆謁
廟下見棟宇傾頽像飾剝落乃相謂曰祀典弗嚴責在
有司於是各出俸貲鳩工市材令總其綱丞整其務簿
董其役工獻其能民效其功經始於天順庚辰十一月
落成於辛巳四月廟宇崇嚴像設雄偉重門兩廡齋舍
神廚牆垣悉完美觀者咸悅邑之耆耄曰廟建國初
褒獎忠烈僅百禩而一新厥功宜紀邑庠司訓邱宏具
書遣生員趙祥高昂來求記予觀自昔及今君天下者
肇造丕基恢復舊業固雖天與人歸必有忠臣良將爲
之羽翼爪牙以死勤事之臣尤宜愍恤故廟崇陽而祀
德報功其於以死勤事之臣尤宜愍恤故廟崇陽而祀

信廟雖陽而祀巡祀遠廟康山而祀成祀貴諸臣皆祭
 義所當祭有司所當敬其事也今賢令佐同心協力重
 修廟以虔妥開國威靈生氣凜凜誠良有司克遵朝典
 表忠以勸忠也俾後之人臣遇大事於臨機決策之際
 有其君而不知有其身後之名教繫重如此後之良有司慎
 節伸大義於天下後世名教繫重如此後之良有司慎
 勿隳厥緒**成化間重修正德間知縣馬津作忠臣廟志**
 焉是為記
 舒芬廟志序今之為政者莫急於興頌俗欲興頌俗在
 於正人心欲正人心在於勸名節勸名節則人心正而頌俗興矣
 義忠義錄則名節勸矣名節勸則人心正而頌俗興矣
 鳴呼風俗頹敗豈有如今日者哉予同年餘干令馬君
 宗孔以縣有康山忠臣廟年久迹湮四方弗聞乃圖康
 山形勝錄建廟巔末列三十六臣本傳附本縣忠臣孝
 子節婦及往來者弔古感懷之作以為志將刊行之請
 予序予按三十六臣為韓成宋貴王勝陳兆先李信金
 昶呂文貴李志高張志雄徐公輔劉義陳弼丁普郎程
 國勝王咬住姜潤石明王德常惟德遂德山汪清朱鼎
 裴軫王鳳顯王喜先陳沖汪澤丁宇袁華鄭興曹信史
 德勝翟世榮常德勝王理王仁皆聖祖白將以征陳友
 諒戰死鄱湖者先是巡按唐君虞佐亦錄是并豫章城
 忠臣廟所祀被友諒攻圍死守者趙德勝劉齊牛海龍
 李繼光趙國旺許珪朱潛張子明趙天麟徐明張德山
 夏茂成葉琛萬思誠十四臣本傳忠節祠所祀死宸濠

難者孫燧許達馬思聰黃宏四臣事為羣忠錄俾南昌
府刊行之夫御史錄一省事知縣錄一縣事要皆以正
人心興頹俗也夫倫聖祖方雲雷邁屯天命未屈乃有
十四臣三十六臣死戰死守以滅勁敵以定大業先帝
以八葉天子而社稷有變得死忠者乃惟四臣且馬主
事黃參議猶奄奄非壯烈者何哉嗚呼昔文帝靖難之
名雖正然革除君臣之義白不能忘其甘心焉死者方
孝孺黃子澄齊泰練子甯黃觀陳迪王叔英鐵鉉鄒瑾
魏晃胡閏郭任盧迴侯泰暴昭陳繼之王叔英鐵鉉鄒瑾
毛泰董鏞曾似韶高翔宋徵巨敬山茅大芳王良胡子
詔宋忠鄭恕陳彥回姚善周是修顏瓌高巍廖鏞葉惠
周璫謝昇高不危盧原質戴德彝張昂葛誠盧振翼太
王省四十七人當時議臣揚己遂私寘名奸黨孤忠死
義之意消沮略盡蓋亦深負文皇正大天地之情矣陵
夷至於宸濠之變則風俗頹敗豈有如今日者哉芬銜恤草
僅見孫許然則風俗頹敗豈有如今日者哉芬銜恤草
土不暇論天下事昨承新主恩命復職史官而馬君適
有是請不覺感慨抉發幽潛然詞不敢不嚴而錄不敢
不備嗚呼此人心嘉靖萬厯閒修歲久圯
正而頹俗興矣

國朝康熙三年重建

會英雄想像閒躍移青雀舫酒洒白

茅灣鷹隼搏空羣鯨鯢授首還波濤經虎尾矢石避龍
鎮一戰西南定羣公策力閒死方開國運生不玷朝班

紀信無遠恨曹成本世官顯榮褒後裔茅土情重頑矣
葉將軍樹碑廟中旌其忠節
鐵券石馬嘶金環黃屋今無迹朱旗閃閃興亡他日事
業要害此江關廟貌瞻嚴肅時情易險艱興亡他日事
清淚獨潺湲施龍蟠虎踞定南國前平階亂如吹毛上天
孤墮地揚旌旄施龍蟠虎踞定南國前平階亂如吹毛上天
游楚氛勢壓南陽
鹿歎向西山退南陽
陵援師來颶颶乘風驟謀臣猛將談兵六韜從以仙人
周顛左右舟中羽賊徒返旆出彭蠡高王師雉尾擲萬炬
罪貫不盈勢不滅介恃戰艦小捷遽匡廬得意紀信出詐漢王跳
一湖魚鼈同煎鯨鯢死廟貌留祀康山椒中央一入丁
遂令三十六將同戰死廟貌留祀康山椒中央一入丁
普郎齊雲振旅如漁舸韓成次右同列座半塞赴水赭
黃袍其餘面駢而塗炭目突烽燄頭是毛焦別有三五少
年白面帶微笑甲冑踴躍輕波濤豈是賜夷生去日望
工肖得窮秋毫定應賊顧貫矢後英靈舞排隱約來林
皋士誠嗣藏勢破竹應江淮南北無腥臊雞鳴十廟遙相
望生者死者俱陶陶惜哉張定邊爾亦男兒曹天完逆
將眼不擇猶奉餘孽大湖底陰夜餒哭聲楚百萬齊
作跼犬卑觸馘鋪滿牛羊牢古槐鬱鬱封襄陽會護真
廟三百年春秋代鼓牛羊牢古槐鬱鬱封襄陽會護真
主驅鴟鴞枯枝斷橫猶敬惜過客競奠香牲醴鳴呼樹
木尚如此英雄可不慎所遭湖波浩淼風蕭騷廟中木

主永勿祧金匱石室之史尚遺咸豐九年南昌紳士劉

于得重修並建江軍昭忠祠謝志府志謹案孫原

成化末張東白亦有記與此略同其他紀載互異如金

景作余昌則姓名不同宋貴作呂翟世榮作羅則異其

姓姜閏作潤徐公輔無公字王喜先作喜仙裴軫作珍

王德作清則異其名又或所載止三十五人而不列程

國勝謂其祀於南昌功臣廟不知南

昌實未嘗祠程也傳聞之異辭如此

上鄉忠義亭在孝誠鄉祀咸豐開團練殉難紳民同治

七年建府志縣志

義民祠在坂首邨祀咸豐開同心局殉難紳民府志縣志

節孝祠在東山謝志上條干以

樂平縣社稷壇舊在治東客岡明洪武間遷平西門外

謝志府志先農壇在小南門外謝志

神祇壇在登高山之巔明萬厯閒知縣鍾化民遷建

謝志

厲壇在縣治東北

謝志

關帝廟在南門外嘉慶十七年移於廟西道光元年知縣彭程萬修六年知縣孫爾修又建啟聖祠於廟東咸

豐閒重修後殿

謝志

文昌廟在考棚門內東邊咸豐十一年燬於寇未修先

代殿在考棚大堂左今重建

府志
縣志

城隍廟在縣東南長樂坊唐中和閒建明末燬

國朝順治四年知縣田發建十年知縣王德明康熙閒知

縣王道隆宋良翰乾隆閒知縣陳訥王猷賴世平嘉慶

閒知縣李德樹道光閒知縣彭程萬均修建同治元年

修八年增修

謝志
府志

火神廟在清泰坊嘉慶元年建咸豐閒重修府志

龍神廟在學東嘉慶二十年建咸豐閒重修府志

吳王廟在城東隅祀漢吳芮康熙十八年知縣宋良翰

重修咸豐十年拓基移建旋燬同治五年重建府志

孚惠廟在縣西二十里自鳴山麓祀晉石敬純一在萬

壽宮左咸豐三年燬同治七年重建謝志府志謹案舊志忠孝行祠

載安仁三宰樂平孚惠即其神也考宋楊簡記元符三年賜廟號孚惠累加善濟廣祐忠烈無孚應字又廟山

本不名自鳴初治貴溪稱之後傳訛但曰鳴山亦見楊記

劉漢英祠在縣東六十里相傳值黃巢亂佐父劉汾捍

禦一方民感而祠之謝志

洪忠宣祠在金山鄉祀宋洪皓寶祐閒建

國朝康熙十二年知縣王道隆修謝志府志縣志

趙宣撫祠在萬壽觀祀宋江南西路宣撫使趙葵

府志縣志

許忠臣祠在安隱寺右祀明初太平府知府封高陽侯
許瑗嘉靖閒知縣龐尙鵬建

國朝嘉慶十九年重建

謝志府志

義勇祠在武當觀東祀明正德閒姚源陣亡四十八人

謝志

程節孝祠在東門外舊登高山麓明知縣鍾化民爲程

仕簡建

謝志

鍾侯生祠舊僅稱鍾侯祠在察院前祀明萬厯知縣鍾

化民又有黃侯生祠在鐘樓旁祀知縣黃洽中

謝志縣志

張公祠在縣儀門東祀明建文知縣張彥方乾隆四年

知縣陳訥詳請題

封忠貞慈惠之神建專祠二十八年知縣元克中重建咸豐間

重修

府志
縣志

金尉祠一在縣署東一在小北門俱乾隆閒建祀順治

初年典史金屏翰道光六年重建小北門祠咸豐三年

燬同治七年再建

府志
縣志

尙義祠在北鄉八橋邨咸豐九年建

府志
縣志

昭忠祠在儒學東祀知縣李仁元及陣亡士民咸豐九

年建一在北鄉圖水邨咸豐九年建

府志
縣志

孝女饒娥祠在長城鄉淚灘里

唐柳宗元碑辭饒娥饒人饒姓娥名世漁鄰水

娥爲室女淵懿靜專雖小家未嘗出游治絲葛供女事

循整鄉閭敬式娥父醉漁風卒起不能舟遂以溺死求

屍不得娥聞父死走哭水上三日不食耳鼻流血氣盡

伏死明日屍出龜魚鰲蛟浮死萬數塞川下流鄰旁小

民悲感怨號以爲神奇縣人鄉人會錢具儀葬娥鄱水
西橫道上追思不足相與作石以貽後世其辭曰生德
無類氣靈而休嗟茲孝娥推行之周淵懿含貞好靜不
游繚葛締紉克供以修蒸蒸在家其父世漁飲酒不節
厄乎風濤匍匐求哭號天以呼頭目耳鼻膏血交流三
日賴路氣竭形枯父屍既出孝質已殂邇邇隨有蛟
泊魚充流溢岸旁出仰浮見怪形異適與我謀鄰民哀
號或以頌歌齊女色憂傷槐羅誅趙姬完父操棹爰誣
肉形不施漢美滔于烈烈孝娥水死上虞娥之至德實
與爲傳恒人有言惟教是圖懿茲德女家世不儒奇行
特出神道莫酬窮哀罔泄終古以留鄉
人好禮爰立茲邱建銘當道過者下車

國朝康熙十一年知縣王道隆重建十七年知縣宋良翰

修乾隆三十三年知縣楊枝華重修

謝志府志縣志

節孝祠在學外

謝志上樂平以

浮梁縣社稷壇在治西水南關卽宋元舊址雍正十年

知縣沈嘉徵重修

謝志府志

先農壇在溪南顯教山雍正四年知縣張景蒼建乾隆

元年知縣沈嘉徵修

府志

神祇壇在溪南山麓明洪武閒知縣夏閱創建溪東嘉靖閒知縣黃森移建溪南後復改溪東

國朝雍正十一年知縣沈嘉徵改建今址

謝志府志

厲壇在北郭明洪武閒知縣夏閱建嘉靖閒知縣黃森改建寶積寺山南

國朝雍正十一年知縣沈嘉徵仍移北郭

謝志府志縣志

關帝廟在街東舊在南隅街西乾隆二十三年知縣陳

大經改建一在鎮市舊名義勇

謝志

文昌宮在興賢門內嘉慶十一年知縣湛祖貴建

府志縣志

志

城隍廟在縣東元爲州城隍明重建

國朝乾隆二十六年重修咸豐二年知縣黃家杰修尋燬

於寇同治四年重建

謝志府志縣志

火神廟在南隅乾隆閒創建咸豐閒燬又景德鎮有火

神廟明萬厯閒建祀火神童賓

謝志縣志國朝唐

氏名賓字定新饒之浮梁縣人性剛直幼業儒父母早

喪遂就藝浮地利陶自唐宋及前明其役日益盛萬厯

閒內監潘相奉御董造派役於民童氏應報火族人懼

不敢往神毅然執役時造大器累不完工或受讒入火

苦餓羸神惻然傷之願以骨作薪勾器之成遂躍入火

翌日啟窰果得完器自是器無弗完者家人收其餘骸

葬鳳皇山相感其誠立祠祀之蓋距今百數十年矣雍

正戊辰余銜命督理堰塹來廡涓吉謁神祠顧

瞻之下求所為麗牲之碑闕焉無嚮問神姓氏封號等

無能知者而浮志亦復不載最後神裔孫諸生兆龍等

抱家牒來謁陳稱神曰風火仙每見神指畫呵設於密

庚申年歲餘兩部郎董製陶器每見神指畫呵設於密

火中故饒守許拓祠地加修葺焉牒首有沈太史三台

序曰先朝嘉號而敕封之不知所封何號也豈即所謂

風火仙邪夫五行各有專司陶司於火而加以風於義

何取且朝廷錫封之號如金治神木土穀以及雷瀆山

川皆曰神未聞仙也豈相之私稱云爾邪敕封之語殆
不確邪是皆莫可考也當神之時徭役繁興刑罰滋熾
孰不趨避是皆莫可考也當神之時徭役繁興刑罰滋熾
而盡其力於工則已耳物之成否不關一人器之美惡
非有專責乃一旦身投烈燄豈無妻子割舍之痛與血
肉煅煉之苦而皆不顧卒能上濟國事而下貸百工之
命也何其壯乎然則神之死也可以作忠臣之氣而堅
義士之心矣神娶於劉生一子儒神赴火後劉苦節教
子壽八十有五
儒奉母以孝聞

龍神廟在

上諭亭左乾隆五十五年知縣何浩建縣志

長沙王廟在上西部都祀漢吳芮與其將梅銷今增祀

明王守仁孫燧許達府志

清源廟在新田祀秦蜀郡太守李冰邑人李潤使金資

神之祐因立廟謝志

甯將軍廟在常尙都神名廣黃巢之亂與弟袞率眾保

守鄉人祀之

謝志

鄭司徒廟在騰鳳都神兄弟三人傳玟魯捍禦黃巢民

立廟祀

謝志

張中丞廟在東隅舊名昭烈廟祀唐張巡明重修

縣志

祐陶廟在景德鎮明洪武間少監張善建祀祐陶之神

趙慨相傳神爲晉代人

謝志

劉令祠在景德鎮

縣志

謹案舊志作祀明令劉守恩縣志作唐令劉仲昭

程氏世忠祠在縣治前舊在西隅祀梁程靈洗以下諸

人宋嘉定間賜額世忠

謝志

金令祠在縣治左祀唐令金安子叔彥叔遲繼爲令有

功於民并祀之萬厯間知縣徐學聚修

國朝乾隆三十四年知縣楊長桂重建嘉慶十五年知縣

湛祖貴修謝志府志

昭忠祠在楊家園左祀明孫忠烈燧許忠節達嘉慶十

五年知縣湛祖貴修今廢謝志府志

楊副使祠在縣治明嘉靖間建祀按察副使楊紹芳謝志

節孝祠在學外左謝志上浮梁以

德興縣社稷壇在東關外周王廟左宋時在清泰坊程

記縣大夫之職於古為子男湖封建之初畫國之百里者萬區厥後苴茅錫壤式表封守后土為社配以稷神迄更郡邑通遵彝祀因仍彌文率協靡替肆我皇家申飭攸司時修壇壝鳴敢勿度庵茲嚴邑立社介溪時其或者水出平原洶湧澎湃垣墉莫支會稽桂公鼎來作宰才猷練達蟲魚咸飭政化興行禮容畢舉自初視篆謁社如式因其際多勛念懷既而曰幸有民有社盍尊社以福民通譏日撥功親為規矚僑匠庀徒人用不援凡厥材食悉費於官內則築而置諸基外則堵而環諸野等其墮秩羣神之敘旁其門達四方之氣退聽有堂省饌有所飲酢有位瘞埋有坎澍暎惟時嚴因局鑄迨春秋歲事率僚監獻粢醴牲幣祝必正辭簋豆邊

物皆族實神奠甯居人茲羨祉氣周和豫歲薦豐年僉
曰惟公之德其茂哉實訖役於乾道之秋堪特書以貽
永明改治南黃家塘今改建此謝志府志

先農壇在北門外桑園地

謝志

神祇壇在縣東白鹿門外舊在鳳儀門外

謝志

厲壇在白鹿門

謝志

關帝廟在鄧天君廟側舊在城隍廟右雍正六年增建
後殿十年知縣余增改此同治六年重修

府志

文昌廟在明倫堂後嘉慶六年增建後殿同治二年重

修一在城隍廟後

府志

城隍廟在縣南仁德坊明洪武閒知縣辜皋建萬厯閒

知縣阮鑽增修

國朝咸豐閒燬於寇同治閒重建

謝志

府志

長沙吳王廟在二十三都祀漢吳芮

謝志

保靈廟在七都唐咸通十四年黃巢寇長安黃勉討之

有功追封保靈王立廟

謝志

靈順廟在縣東南唐永徽初張蒙逐白鹿至銀峰失所

在有少年指示之獲銀筍里人卽其地祀之

謝志

徐忠愍祠在天門山祀宋樞密徐俯父禧

謝志

角山廟在躍鱗門外祀宋死節縣丞王貴

謝志

笄丞廟在寶賢坊祀元笄勝

謝志

賢令祠在縣治祀明賢令趙德剛許公高黃金色

謝志

董端公祠在八都唐季黃巢之亂御史董全楨與賊戰

死鄉人祀之蘇軾題額

謝志

忠貞祠在八都祀明御史大夫練子甯

府志縣志

忠賢祠在長豐里祀董全楨董鼎又有父公祠祀董申

節義祠祀董梗妻王氏

府志縣志

英孝烈女廟在南門外祀唐烈女程氏刺史裴士淹刻石頌其事宋紹興十年縣令鄭鞏重修

國朝康熙乾隆間重修

謝志府志

節孝祠在學外

謝志上德興

以

安仁縣社稷壇在縣東隅玉真山後

府志

先農壇在沖虛山至道觀右舊在三官堂側雍正五年

建

縣志

神祇壇在縣北隅舊在治東

謝志縣志

厲壇在治西藍溪橋

謝志

關帝廟在城東隅至道觀左道光四年知縣陳天爵移

建舊廟西府志

文昌廟在文廟左舊在明倫堂右嘉慶三年知縣劉照
藜建道光二十一年教諭李應庚改建府志

城隍廟在城東隅舊在安平坊明遷建

國朝乾隆二十九年重建嘉慶十四年修咸豐閒燬同治

七年修謝志府志

火神廟在北隅舊布政司基嘉慶六年建府志

吳嶺廟在長城鄉祀漢吳芮府志

三峯廟在崇義鄉祀晉石敬純府志

雲溪廟在長城鄉祀宋周雄府志

惠甯廟在惠甯坊祀唐進士柳敬德乾符閒以神兵拒
王仙芝宋高祐中加封靈顯忠烈惠澤王宣和閒賜祠

額曰江介名祠元至大開加封顯應普惠冲祐真君明

洪武三十五年知縣邵真上其事置位曰玉真山之神

國朝嘉慶十九年重建

謝志縣志

張將軍祠在惠甯廟東祀宋末張孝忠

元歐陽元記饒之安仁玉真山

惠甯廟之左祠張將軍者宋亡之死士也將軍初從

江陵守高達至元十二年天兵下江陵達降將軍帥其

徒淮士百人夫之洪州是冬洪又降去之信州會儒臣

謝枋得守安仁斷橋樹柵為拒將軍問之帥所從赴謝

軍謝喜待惟士授誠信郎帳前都提點推心膂任之將

軍感激籌策部署咸獲其用十三年二月謀害我師來

自江右謝分兵千餘人禦之既而自饒來攻謝遣為徽

將軍奮大刀斫殺數人前軍稍卻後陣大集繞出謝軍

後於高岡立幟將軍顧見驚潰俄矢中將軍馬鼻通步

戰死之我師義其人求之仆尸中歎曰壯士壯士取金

覆之將軍歿數著靈異邑人祠之水旱疾疫薦之必應

儒學教授胡均式入京禱於將軍約至京求朝士為文

刻祠中乃未暇至順元年與編皇朝經世大典明年書

垂成感寒疾不能執筆友人蕭徵之驚曰若嘗以文字

有諾責於神者式遽曰是將軍也取玳瑁之曰聞書局

官歐文監明當候式以祠記屬之可乎擲得吉詰朝余

果來具以告余曰諾式疾即廖書來求文遂記之又作
迎饗送神詩以遺祠者使并刻之石將軍諱孝忠道州
人餅曰釀酒兮滿壺陳牲兮禴辜神降兮醉飽割牲兮
飲酒佩長劍兮荷長受弓在室兮矢在廚生為人兮盡
瘁死事致為神兮降嘏異世有明主兮咸秩無文不
廢明祀兮以勸事君神去兮奈何鼓坎坎兮巫屢歌神
思奮兮挽天河挽天河兮酒斧斯祛厲鬼兮
早時康民無災兮物無害歎長嘯兮倚天外

國朝康熙十四年燬十九年知府黃家遴知縣胡績顯重

建嘉慶十六年修

謝志

縣志

謝志

原案孝忠道州人與謝荷得同守信州戰死元元統

二年編修官胡式奏封翊靈威烈忠毅張元帥明洪武
三十五年禮部勘合置牌位稱玉真山宋承信郎帳前
都檢點張
公之神

忠勇祠在惠甯廟東祀明姚源戰死士倪烈嘉靖己丑

敕封毅烈迪功郎扁額忠勇

縣志

提督軍務都御史胡松生祠久廢

縣志

之安仁

明金達記饒舊稱上縣西

南去治四十里曰鄧埠者四通之墟也距東鄉貨溪金
簏各五十里高岡四塞險峻阻絕且林深箐密可為淵

藪於是是不逞者嘯聚出沒於其閒垂三十年嘉靖乙巳
 撫臣議請添設捕盜通判一員分饒撫兵壯若干名坐
 以鎮之然往往抱窮寇勿追之虞用亂繩緩治之策故
 其勢日以滋蔓又莫有能奮長策而制其命者歲辛酉
 贛州洞蠻及閩廣叛寇相繼突至殘破各城邑殺戮憲
 臣裨將中外騷擾於是邵埠賊酋徐耿六張猷四等乘
 閒造攻號稱先鋒立十三大寨揚旗四指大肆焚掠且
 移報東鄉圖人城邑蓋其意實欲北攻安仁以引廣信
 來寇絕浙直援餉南據上清金谿引建撫之寇以西窺
 臨江計必行勢必合其為江右患不淺似以歲月則將
 為張連饒平之變安仁首當屠殘矣秋八月柏泉胡公
 以浙之右轄轉江省提督府大帥入所統界輒勒胡公
 知鄧埠不敢患難支也由紫雲驛舟行六七里至炭埠
 命千戶某提兵數千授以密計入鄧埠出其不意即聚
 魁殲之由是威聲震蕩勢成破竹故按節撫建而閩廣
 之寇授首移麾吉袁而洞蠻之叛以服再用師何家渡
 而粵兵之為叛者剿滅無遺蓋以腹心患除而勾引勢
 孤兵屢試而不挫者皆由殲滅鄧埠之寇為之張本耳
 料敵制勝算無遺策公之功偉哉公又以安仁為全省
 要地地瘠狹而驛煩衝民已疲瘵不堪勢役發帑金數
 千以為築城之資在賊酋雖誅而其從猶多也乃行守
 望親兵之法十家一牌統於鄰長百家一都統於邨長
 積至三四百家則統於黨正副黨正副以士大夫及齊
 民有德行者為之因其戶數而稽其出入備以器械而

教之擊刺行未月民知向方有遺孽不即功者黨正副得以公法而漸去之自是四郊帖然幹止俱甯君子以為有寓兵於農之制癸亥夏公補夏官少卿行安之士民相與謀曰自公未至吾安仁災近剝膚惴惴焉朝不謀夕公茲之來不增兵不減賦不徵調及我數十年之巨寇得安堵以居此其德在安仁將千百世莫之泯也不以祠祭其何報公於是樹懷德碑於學宮并立生祠尸祝之公名松字汝茂柏泉其別號也直隸滁州人

節孝祠在學外謝志以上安仁

萬年縣社稷壇在西門外謝志

先農壇在西門外五星橋雍正四年知縣劉鎬建謝志

志

神祇壇在南門外謝志

厲壇在治北謝志

關帝廟在縣治大街左明建

國朝康熙間知縣劉津修咸豐間知縣鄒武安重修謝志

縣志

文昌廟在北關嘉慶五年知縣劉羹和增建同治八年

知縣項珂重修

府志

城隍廟在西門內康熙九年知縣王萬鑑修十八年知縣柯彥芳增修乾隆閒知縣陳岱馬駟潘蘭皋均修咸豐三年署知縣宋際盛同治十年知縣項珂重修

謝志府

志

火神廟在東大街左乾隆十六年知縣李繼聖建

府志

龍神廟在西門內舊在書院左嘉慶三年改建咸豐同

治閒修

府志

饒雙峰先生祠在縣治東隴永安街宋建於餘干東岡

山前明正德八年知縣白繡建此

國朝康熙四十一年重建附祀知縣王允宜府志

程剛愍祠在十一都祀宋程振謝志

曹無妄祠在一都祀宋曹建謝志

王尹祠在十都祀宋王世輔謝志

許副使祠在永安街祀明兵備道許庭光知縣白繡建

後合祀參政吳廷舉爲吳許祠

國朝嘉慶二十一年移建於文昌廟左同治八年重修謝志

府志
縣志

柴強恕先生祠在學宮前舊在縣東久廢雍正八年巡

撫謝閔修先賢祠宇復建此同治四年重修府志
縣志

忠義祠在城北祀明姚源死事諸人乾隆五年知縣陳

岱重建嘉慶二十一年移建吳許祠後府志
縣志

王令祠在關帝廟左祀前知縣王萬鑑府志縣志

昭忠祠在東門正街同治三年創建府志縣志

節孝祠在東關內舊在學外西同治七年移祀謝志府志

以上萬年

南康府

社稷壇在治西明洪武二年建正德十一年知府陳霖

修謝志府志

先農壇在西郊外雍正四年建謝志

神祇壇在府東一里錦江驛舊址謝志

厲壇在府治北門外壇右爲邑厲壇謝志縣志

關帝廟在府學西嘉慶十八年知府狄尙綱重修咸豐三年燬於寇同治九年知府盛元知縣藍煦重建一在

府城冰玉澗舊名漢壽亭侯廟雍正十一年同知胡式

瑗修

謝志府志

文昌廟一在府學啟聖祠後明萬曆二十年知府田瑄

移祀於觀瀾閣

朱國祚碑記歲辛卯余以史官出典江

畿業婉婉蟬聯五老諸峯如拱如揖坐船窗曉不暇接

曰氣佳哉鬱鬱蔥蔥稱天子障哉非人文孰能當此者

乎然以簡書孔棘僅形留而神往兩事竣以竹柏蔚以樅

郡侯要余登焉懸溜分流七嶺重標映以竹柏蔚以樅

松縈以三湖帶以九江洵五嶽之伯仲元造之瑰琦也

心境既開目境漸窮迺顧田侯而言曰觀止矣不可以

加矣侯曰未也茲其概也山以下闢閭鱗次炊煙萬縷

者南康府也吏散鴉啼雲英生臥閣者府治也非石

非星若沈若浮千鯨掣而萬波衝者落星石也又星子

所為名也而彭蠡臨臚卑臨啤晚插霞標者鄧學也朱

考亭講業其中者也山學而東可百武而近高棟層樓

翬飛鳥革者如交昌於觀瀾上也為學設也總之得山

而勝待人而興故余於斯閣創新之而餘者視已成事

余曰有是哉先獲我心夫天地之氣運於亭壑盤礴山

川而聚於人文是故尼山降靈於宣父暉陽萃精於孟

軻山甫敦秀於嵩嶽傳說受氣於列星卽山不化而為

人不能不發而爲人且地氣自近而遠則莫先於康矣
康青矜士非乏也通者扶藪文運其勢不得不歸於康矣
堪輿故祠文昌雄下砂也地卜巽方迎六秀也與城南
樓翼然相望而高踰之協龍昂虎伏之義也仍觀瀾閣
之陞而冠其上登高可以望遠也抑勢愈高而觀愈大
也故望揚瀾左義之濤則決潏澎湃素練過錦屏之麓而
日望瀑布馬尼之泉則傾銀河飛素練過錦屏之麓而
東合於三峽九洪望落星之渚龍河之淵神林之浦則
又滌滌洶洶懷山陵落城郭起虹霓含蛟龍賈帆漁艇
蟻如蟬如蠅如斯瀾之極變也在觀者貴自得焉以歸
澄之而清土滋之而澤而適其委會競以歸墟爲壑而
不可以禦斯瀾之文故瀾與文同出一源而究相爲觀
有之曰風行水上故瀾言水與風相遭必渙而爲文也
康士者學於斯登於斯觀於斯苟有會於斯而爲文之
文將神遊一六原本庖義而取衷於孔孟一遵考亭之
遺教始而終之蹟聖達天得時而駕斯則爲舟楫鹽梅
補袞將聲流寰宇而澤潤生民如風斯發如泉斯達是
多士之自爲文昌也卽廬山不遜於尼嶧嵩嶽而落星
不遜於傅巖已否則以山若彼以人若此地之勝不我
用焉爾多士當復以堪輿爲解夫我則不文非若大易
之所稱渙也者其又將何辭以謝文昌田侯曰洋洋乎
德音哉真山增高水增深而內陀豐下而鏡上可以周
不朽矣是閤也外峭而內陀豐下而鏡上可以周遭可五丈

高四初開一丈二尺為梯二為窗二十有八捐作於田
侯而董其役於典史鄭璧銘曰四壁斗卓八窗雲翔巽
方為位彩虹為梁仰睇都廣泥混范范天墉繚緇五色
煌煌息足茲土遙禮文昌太微伊通帝座之旁匡山厯
厯鄱水湯湯我欲從之斯夕徜徉濯髮一在縣學左門
賜谷晞身九陽眷彼多士示以周行

坊內

國朝乾隆二十三年教諭鍾正人自學東南移建今燬縣志

城隍廟在府治南舊在譙樓東明洪武三年遷

國朝嘉慶二十二年知府狄尙綱檄四縣捐修咸豐三年

燬十一年重建謝志

星子縣城隍廟在新縣治右舊在古縣治譙樓東咸豐

三年燬七年知縣黃應黼建後殿同治二年士民捐修

前殿九年知縣藍煦遷建府志

龍神廟在城內大街府志

陶桓公廟在府城北祀晉陶侃宋淳熙間賜廟額

狀據都昌縣稅戶董翌等狀伏觀本軍勝示詢訪先賢
事迹數中一項晉侍中太尉長沙陶威公興建義旗康
復帝室勤勞忠順以歿其身謹案圖經公始家鄱陽後
徙潯陽見有遺迹在本軍都昌縣界及有廟貌在本軍
城內及都昌縣水旱禱禳皆有感應未悉上件事迹是
與不是指實且翌等係都昌縣居民縣境之南北有
陶威公廟二所其神聰明正直陰有所助廟貌建立年
代深遠逐時居民商旅祈禱無不感應今來翌等不
沒其實陳乞詳酌具錄陶威公靈應事跡保明奏聞
加封號本軍所據前項狀述尋行下都昌縣勘會得董
翌等所陳委是著實保明申軍及繳到江南劉義仲所
撰公贊曰晉太尉陶威公侃有東坡蘇公嘗為予言威公
忠義之節橫秋霜而貫白日晉史書折翼事豈有是乎
且就其說考之墜地折左翼及握疆兵居上九重至其
者以杖擊之折翼之祥自抑而止心之所寓者為志神
之志輒思折翼之祥自抑而止心之所寓者為志神
所寓者為夢何自而知其然哉至尚書梅陶稱機神明
鑒似魏武忠順勤勞似孔明也豈不信哉魏武起徒步
義兵非若威公威名之著也以漢德之深磐石之固可
折箠驅之以息天下之禍非若成帝削弱之資也董卓
之亂未必大於蘇峻魏武之功未必過於威公保兖州

以爲固挾天子以爲資其意安在則其託興復以爲名
是乃窺漢之計也名莫大乎忠孝分莫大乎君臣若魏
武無忠臣之節其所謂機神明鑒者馮鐵也馮鐵奔石勒
比乎始蘇峻之禍賊將害其子者馮鐵也馮鐵奔石勒
爲成將石勒畏公如此威公沒距今幾千年所在廟祀之
傑標置二劉之開俯視曹孟德司馬仲達而氣出其右
顧南威公爲尤盛由其所著論曰魏晉之際浮虛之俗
縣南威公爲尤盛由其所著論曰魏晉之際浮虛之俗
近世撫州布衣吳解時弊慨然有作終日運百於竹
搖蕩朝野士行深疾雖一東之槌劬勞不怠當時名士
頭木屑間纖悉經營雖一東之槌劬勞不怠當時名士
觀之宜若老農俗吏無足比數而士行確然爲之不屑
也卒能侯廓才猷立功立事當晉室橫流之中屹爲砥
柱自非明智獨立安能臻此哉然覽庾亮之傳應詹之
書則疑侃有跋扈之心觀溫嶠之舉毛寶之謀則見侃
有顧望之迹比至瀝血成文登天折翼動可疑怪豈有
是事也哉此蓋行超於人眾必非之加以蘇峻之誅庾
亮恥爲之屈既遂從而誣謗之耳秉史筆者既有其畏
朝權其志一遲遂從而誣謗之耳秉史筆者既有其畏
何所求而不得哉是其一旁見曲出乃所以證成其罪也
然觀士行義旗既建一麾東下子喪不臨直趨紫州一
時勤王之師茂建先者暨元勳克集而退然不有旋師
歸藩旣坐擁入州節益修未始擅作威福以自封殖朝
社曾不反掌而臣節益修未始擅作威福以自封殖朝

廷憚其勳名每加疑猜而士行泰然曾不少介胸次及末年臥病封府庫而登舟舉愆期而自代視去方伯之重不啻脫屣其臣節終始夷險無一可訾窮晉二百年閒卓然獨出不忠之迹果安在哉今晉史欲誣士行而乃以夢寐之祥不知士行而實懷異志則如此夢寐之祥正合自知耳人安得而知之其說固不待攻而自破云本軍今檢準佐道重修令諸道釋神祠祈禱靈應宜加官爵封號廟額者州縣其實事狀中詳所以發明公之心迹尤為明白有補名教今據士民陳請在前欲乞朝廷詳酌採其行事特賜廟額以表忠義更不可別賜爵號明洪武四年敕賜晉侍中大司馬陶桓公之神每謹狀

歲夏季舉祀

謝志

文孝廟在府治西灣祀梁昭明太子蕭統今廢

謝志

宮亭廟在神林浦東魏曹毗詩分風爲二劈流爲兩者

是也宋景德閒敕著祀典

謝志

廣佑廟在治西四十里故里壠

府志

謹案謝志不列廣佑廟而載朱子廣佑

廟祈雨謝雨文於豐利侯祠下記朱子有所雨文而文復不錄今據府志補廣佑廟以二文隸於後

宋朱子

祈雨文大王有功德於此土之人苟有雨陽之憂無不
禱於大王其禱之也則無不昭答如影響之隨至斯民
之心歸之如父母信之如著祭者有年於此矣開者上
天降災陽愆陰伏嘉生百物不蒙滋潤熹等乃大速亂
於禱祠之事罔克專於大王懈惰弗虔咎由熹等而使
千里之民田疇涸枯禾稼槁悴今其甚者有若燔灼矣
雖並走羣望懇祈備至而雲氣殊將交旋即解駁焦然不
能有膚寸之合秋陽益驕燥烈殊甚物之蒙害日以益
深若自今以往三日不雨則下里之民所恃以爲生者
蕩析無餘而無以爲食其老弱將轉乎溝壑而死豈有
者將散而爲賊盜以爭其旦夕之命其禍亂之至豈有
所極哉失今不救三日之後大王雖顧而哀之不可拯
已故熹等私竊計議以爲莫若奔走歸誠請於大王之
祠下大王若哀其迫切赦其前愆有以惠綏之則今日
之內熹等齋宿以俟休命三日而不應則是大王終棄
絕之熹退而恐懼以待休誅殛不敢復進而禱矣恭惟大
王閔闢造化一雨之恩蓋其餘事誠有意哀此千里之
民則願無愛而亟爲之熹等之願也拜伏於庭不勝哀
叩懇切之至謹告又謝雨文天久不雨苗之秀而將
實者秋陽暴之日以惟悴田將無以爲收人將無以爲
食大命近止罔或不憂我父子兄弟是用夙夜不遑啟
居更相告語奔走羅拜於祠之庭而請命焉君王顧哀
昭答如響禱之明日甘澤沛然晝雨宵零越五六日而
未艾岡陵漸潤草木蕃滋孰是嘉生而不豐好德宏施

普恩大澤深夫豈可以言報顧無以自致其拳拳率修故常祇薦蘋藻惟君王降佑欲享則斯人之願也

三將軍廟在治西二十里世傳秦武士唐健威李德及宋刁雲秉官學道隱於廬山不知所終鄉人爲之立廟

今廢

謝志

七姑廟在白鹿洞勘書臺下祀唐江州刺史李渤女宋

時建朱子題額

謝志府志

元將軍廟在南門外嘉慶十五年巡撫先福題請

敕封顯應將軍仿祭許真君例春秋支銀致祭二十三年知府

狄尙綱建廟道光二十六年知府邱建猷重建咸豐三

年燬

府志

五賢祠在府學東朱子知軍時訪古今名士居是邦者

得陶潛劉渙渙子恕陳瓘李常輩建祠祀之

謝志朱子奉祠主

文熹謨膺朝命來守是邦至止之初得拜劉李二公之像於學欽聳高風考觀正論既有以慰夙心者繼又咨訪得陶公栗里故居於郡境且知祕丞劉公蓋嘗蒞於筦庫而忠肅陳公又嘗辱為遷民也永惟敷公大節清名危言直道遺烈所在千載如生爰始爰謀合享斯室季月之吉神位告成敬合僚吏率諸生以禮告於祠下蘋藻在列誠意感通羣公有靈尚克歆顧

周濂溪先生祠在府學右朱子守南康時建配以二程先生文公沒門人以二程別有從祀乃奉朱與周同祀扁曰二賢祠元末燬明洪武初改建府治南

國朝康熙閒知府蔣國祥移建治東察院行署故基知府

董文偉趙立身狄尙綱先後修葺咸豐三年燬謝志

劉西澗祠在府治東祀宋西澗居士劉渙謝志

三賢祠在府治北祀宋李常蘇軾曾常伯謝志

王文忠公祠在府學東祀明南康同知王禕謝志

楊先生祠在縣學東祀明教諭楊升正統間知府王端

建以余南坡配

謝志

豐利侯祠在治西南三十五里世傳中都侯蔣子文之後名軒者仕晉為侍郎出鎮廬江郡後詔赴闕卒於牛

角灣鄉人立廟宋賜今額

謝志

廬嶽祠在廬山萬壽寺之上祀廬嶽之神嘉慶四年巡撫秦承恩知府寶國華捐修二十一年七月巡撫阮元奏為廬山神請封列祀典奉

旨加溥福廣濟神號旋移建白竹寺趾咸豐五年燬

謝志

先賢祠在白鹿洞祀唐李渤宋楊徽之元黃異

府志

周顛仙祠在廬山明太祖敕建

明太祖御製傳顛人周姓者自言南昌屬郡建

昌人也年一十有四歲因患顛疾父母無暇常拘於是顛入南昌乞食於市歲如常顛如是更無他往元至正

閒失記何年忽入撫州一次未幾仍歸南昌有時施力
於市戶之家日與僑人相雜暮宿閭閻之下歲將三十
餘俄有異詞凡新官到任必謁見而訴之其詞曰告太
平此異言也何以見當是時元天下承平將亂在邇其
顛者故發此言乃曰異詞不數年元天下亂所在英雄
據險殺無甯日其稱偽漢陳友諒者帥烏合之眾以入
南昌其顛者無與語也未幾朕親帥舟師復南昌城降
朕撫民既定而歸建業於南昌東華門道左見男子一
人拜於道旁朕謂左右曰此何人也左右曰顛者來謁
三月歸建業顛者六月至朕親出督工逢顛者來謁謂
顛者曰此來為何對曰告太平如此者朝出則逢之所
告如前或左或右或前或後務以此言為先有時遙見
以手入胸襟中似乎討物以手置口中問其故乃曰
子復謂曰幾何對曰二斗此等異言大槩知朕之不
甯當首見時即言婆娘又鄉談中常歌云世上甚麼
動得人心只有臘脂胚粉動得婆娘嫂裏人及問其故
對曰你只道般只這般每如此及告太平終口被此
顛者所煩特以燒酒醉之明日又來仍以強多為說於
是製新衣易彼之舊衣新衣至朕視顛者舊裙腰間藏
三寸許莖蒲一莖謂顛者曰此物何用對曰細嚼飲水
腹無痛朕細嚼水吞之是後顛者日顛不已命蒸之初
以巨缸覆之令顛者居其內以五尺圍蘆薪緣缸煨之
薪盡火消揭缸而視之儼然如故是後復蒸之以五尺
圍蘆薪一束半以缸覆顛者於內周遭以火煨之煙消

火滅之後揭缸視之儼然如故又未幾時以五尺圍蘆
薪兩束半以缸覆顛者於內煖煉之薪盡火消之後揭
缸視之其煙凝於缸底若張綿狀顛者微以首撼撼小
水微出卽醒無恙命寄食於蔣山寺主僧領之月餘僧
來告顛者有異狀與沙彌爭飯遂怒不食今半月矣朕
奇之明日命駕親往詢視之至寺遙見顛者來迓步趨
無艱容無飢色是其異也因盛設羞同享於翠微亭膳
後密謂主僧曰令顛者清齋一月以視其能否主僧如
朕不飲膳是出凡人也朕每三日一問問至二十有三日
爭取酒穀以供之凡大飽弗納所飲食者盡出之良久召
至朕與共享食如前納之弗出酒過且酣先於朕歸道
旁側道右邊待朕至及朕至顛者以手畫地成圈指謂
朕曰你打破箇桶做箇桶發此異言當是時金陵邨民
聞之爭邀供養一日逢後生者俄出異詞噫教你充軍
便充軍又開中見朕常歌曰山東只好立一箇省未幾
朕將西征九江特問顛者曰此行可乎應聲曰可朕謂
顛者曰彼已稱帝今與彼戰豈不難乎顛者故作顛態
仰面視房之上久之穩首正容以手拂之曰上面無他
的朕謂曰此行你偕往可乎曰可詢畢朕歸其顛者以
平日所持之拐擊之急趨朕之馬前搖舞之狀若壯士
揮戈之勢此露必勝之兆後兵行帶往至皖城無風舟
師難行遣人問之顛者乃曰只管行只管有風無膽不
行便無風於是諸軍上牽以舟薄岸泝流而上不二三

里微風漸起又不十里大風猛作揚帆長驅遂達小孤
朕曾謂相伴者曰其顛者無正語防閑之倘有謬詞來
報至馬當江中江豚戲水顛者口水怪見前損人多件
者來報朕不然其說顛果無知棄溺於江中至湖口失
記人數約有十七八人將顛者領去湖口小江邊意在
溺死去久而歸顛者同來問命往者何不置之死地又
復生來對曰難置之於死語未既顛者猝至謂朕欲食
朕與之食食既顛者整頓精神衣服之類若遠行之狀
至朕前鞠躬舒項謂朕曰你殺之朕謂曰被你煩多殺
且未敢且縱你行遂模槿而往去後莫知所之朕於彭
蠡之中大戰之後回江上星列水師以據江勢暇中試
令人在匡廬之下顛者所向之方詢土居之民要知顛
者之有無地荒人無惟太平宮側草莽間一民居之以
顛者狀示之謂民人曰是曾見否對曰前了俄有一瘦
長人物初至我處聲言好了我告太平來了你爲民者
用心種田語後於我宅內不食半月矣深入匡廬無知
所之朕戰後歸來癸卯圍武昌甲辰平荆楚乙巳入兩
浙戊午平吳越下中原兩廣福建天下混一洪武癸亥
八月俄有赤腳僧名覺顯者至自言於匡廬深山巖壑
中見一老人使我來謂大明天子有說問其說乃云國
祚祿延儀禮司以此奏朕思方今虛誑者多朕取宇內
至尊於黔黎之上奉上下於兩閒善聽善見恐貽民笑
故不見不答是僧伺候四年仍往匡廬意在欲見朕不
與見但以詩二首寄之去後二年使人詢之果曾再見

否其赤脚者云不復再見又四年朕患熱證幾將去世
俄赤脚僧至言天眼尊者及周顛仙人遺草送藥至朕
初又不欲見少思之既病人以藥來雖真假合見之出
與見惠朕以藥藥之名二其一曰溫良藥兩片其一曰
溫良石一塊其用之方金盆子盛著背上磨著金酸子
內喫一醃便好朕遂服之初無甚異初服在末時閒至
點燈時周身肉內搖掣此藥之應也當夜病愈精神日
強一日服過兩番乃聞有萬蒲香醃底有丹砂沈墜鮮
紅異世有者其赤脚僧云某住天池寺去巖有五里係
俄有徐道人來言竹林寺見請往視之某與同往見天
眼尊者坐竹林寺中少頃一披草衣者入某謂天眼曰
此何人也對曰此周顛是也方今主所詢者此人也即
今人主作熱爾當送藥與服之方今主所詢者此人也即
人主詩某問曰詩將視看對曰寫於石上某於石上觀
之於懸崖處果有詩二首朕謂赤脚曰還能記乎曰能
即命錄之初見其詩巖俗無韻無聯似乎非詩及遣人
詣匡廬召致之使者至杳然矣朕復以是詩再觀其詞
其字皆異尋常不在鐫巧但說事耳國之休咎存亡之
道已決矣故紀之以示後人

宗儒祠在白鹿洞

舊作在府城誤

初名三賢祠祀唐李渤宋周

子朱子明宏治閒提學蘇葵蔡周朱二子像於中而遷

李賓客主於別室後提學邵寶又以林擇之等十四人

從祀改曰宗儒府志明楊廉記南康白鹿洞書院

朱子嘗為守於此朱子既嘗為守而重建書院於此勉齋

以下皆嘗講學於此者也蓋非有關於書院則不泛及

匪諸儒則固不從施也於平儒之道大矣為天地立心

為生民立極為往聖繼絕學為萬世開太平斯其儒之

謂乎二夫子大儒也勉齋以下諸儒也書院之教其來

尚矣所以講明而切劘者儒之道而已三綱五常吾身

之所繫也四端萬善吾心之所統也五經四書作吾之

階梯也諸子百家資吾之辨駁也羣居終日潛心乎儒

如射者之必志於中的如行者之必期於赴家且望瞻

仰必以圖說所謂定之以中正仁義而主靜洞賦所謂

誠明其兩盡敬義其偕立而日加勉焉此外復以直卿

諸儒之著述旁搜而博考焉於以反覆而精思之於以

勇往而力行之其不至於儒吾不信也審如是則此祠

固所以報抑豈不足以為勸哉舊祠惟二夫子其推及

諸儒則前提學邵公國賢二公之於書院極有意於興之

之則後提學邵公國賢二公之於書院極有意於興之

邵公謂諸生之來遊者曰非罷科舉進取之念無輒至

此其所以待學者不淺矣記之所以為來者告

忠節祠在鹿洞西臥龍岡祀漢諸葛孔明晉陶淵明

謝志

顏魯公祠在府城北五里顏家山明萬厯閒知府田琯

建

謝志

黃節菴祠在顏家山祀元儒黃異明知府田琯建

謝志

諸葛武侯祠在左翼山康熙二年知府倫品卓重建

謝志

紫陽祠在白鹿洞康熙四十八年知府張象文建祀朱

子以林擇之蔡沈黃幹呂炎呂燾胡泳李燔黃灝彭方

周耜彭蠡馮椅張洽陳宓陳澔十五人配享

謝志

節孝祠在縣學外西

謝志

以

都昌縣社稷壇在治南一里明洪武二年知縣周象賢

建

國朝乾隆十年知縣李仙洲修

謝志

先農壇在東關外社稷壇前雍正四年立

謝志府志縣志

神祇壇在縣東望湖嶺

謝志

厲壇在治北二里

謝志

關帝廟在治東六十步

謹案謝志作二十步

明萬厯閒知縣張受

田余敦盛相繼創建

府志縣志

文昌廟在文廟東

府志縣志

城隍廟在治東北隅

舊作在治東

明縣丞顧玠建知縣吳英

陳舜咨鄭洪圖梁一孚

國朝知縣曾王孫先後修

府志

陶公廟在治西北

謝志

元將軍廟在治西北四十里左蠡山巔明太祖封有御

製詩存廟

國朝康熙二十二年知縣曾王孫建嘉慶十五年

敕

封顯應將軍

謝志

二賢祠祀宋先賢周朱二子

元吳澄先賢祠記秦漢而

百年乃得宋河南程子遠承孟氏之緒而元公周子賀
開端於其先文公朱子又集成於其後二賢當過化焉
熙間俱守南康縣也曠昔仁風之所披拂教雨之所沾濡
都昌南康縣也曠昔仁風之所披拂教雨之所沾濡
流芳遺潤百世猶未泯社而有稷之尸而祝之也固宜考
江承相修學碑周朱二子有專祠在縣學邇年廢而莫
舉天厯己巳教諭萬鈞用至楊然大歎白主簿黃將仕
孚轉達縣丞何某縣尹李其僉議諧協遂營木倫堂之
西翼室設二子位扁曰先賢祠允為知教之木者鄉賢
舊亦無祠若朱門四支西坡黃氏梅陂彭氏厚齋馮氏
昌谷曹氏萃祠於明倫堂之東與表章尊奉之餘靡不
氏暨古心江丞相配扁曰鄉賢祠表章尊奉之餘靡不
疎蔡興起其於人心世教豈小補哉抑自古逮今有教
必有政區邑校於教幸知所務聞明倫堂北豪民侵
疆久弗克正職司往往誘於其餌而不顧今教諭踵前
官之所已行且贍於縣海贊丞尹督府史究教外之政
其事於郡卒能復六十年已失之地於賢祠記余因及
此其一爾主簿字少從余學請為之作先賢祠記余因及

一縣治官教官之可書者并書之以勸方來今廢縣志

雲住祠在西山下祀宋儒陳澹本名經歸書院明宏治

間舊作萬歷間改正提學邵寶奏立知縣王珀改建嘉

靖間知縣楊昱區益萬歷間知縣陳冠崇禎間知縣陳

嗣清

國朝順治間知縣會王孫先後修謝志府志

濟忠祠在西街祀宋丞相江萬里及弟萬頃舊名雙忠

祠明萬歷間增祀萬里子鎬萬頃子鐸參議王世懋易

其額曰濟忠謝志

節孝祠在學外西謝志上都昌以

建昌縣社稷壇在治北謝志

先農壇在城東舊作郊外雍正四年立府志

神祇壇在隆道觀舊基謝志

厲壇在北門外謝志

關帝廟一在東門外演武亭一在縣治內康熙九年知

縣李道泰重葺謝志府志

文昌閣在學宮東府志

城隍廟在縣北明洪武三年知縣倪恭建謝志府志

東嶽廟在治東二里明洪武間知縣倪恭重建謝志

靈濟廟在蘆潭晉時建宋賜靈濟廟額謝志

樊將軍廟在治北十里相傳祀漢將軍樊噲宋封威利

侯謝志

三賢祠在北門外祀周濂溪朱紫陽胡安定知縣李道

泰重修謝志

胡安定祠在縣市東祀宋儒胡瑗元延祐初邑人張菊

隱重建

謝志

李文定祠在西門外祀宋朝奉大夫李燔元廢明嘉靖

原作永樂誤

開提學周廣移建城隍廟右後復燬

國朝康熙間知縣李道泰重建

謝志府志

五呂先生祠在薌山祀宋儒呂德藝德明德文德昭德

遠兄弟

謝志

三烈祠在上遼津南明崇禎末左兵過里熊士夔妾淦

氏同熊女芷姑穎姑投河死浮尸如生鄉人立祠祀焉

謝志

忠義祠在北門內城隍廟側

縣志

節孝祠在學外

謝志

以建昌

安義縣社稷壇在治北

謝志

先農壇在東隅雍正四年立

謝志

神祇壇在南門外

謝志

厲壇在北門外

謝志

關帝廟在縣治南門內

舊作北大街

初在大唐寺東明末遷

建治西

國朝康熙十年知縣陳璋重修乾隆三十八年知縣李洗

心徙今址

謝志

文昌廟在學內明倫堂東

府志縣志

城隍廟在治東明正德閒通判蔡讓建

國朝康熙七年知縣陳璋修乾隆五十二年知縣鞠偉重

修咸豐六年燬於寇九年重建

謝志府志

劉猛將軍廟在文山書院右道光二十年知縣潘尊賢

奉文建府志縣志

龍神廟在縣北三十里舊為聖水古廟廟前有塘水四時不溢不竭中有神魚四足修尾遇旱禱雨輒應同治十年巡撫劉坤一奏請封號

敕加普濟并

御書德周澤洽額以賜府志劉坤一疏略南康府安義縣三

前數武有洪水深莫測春夏不溢秋冬不涸有神魚四足修尾常伏不動遇大旱地方官潔誠致祭魚自浮出禱雨立應事載府縣志書同治五年亢旱異常備禱羣神迄無感應因委員前往迎取神魚至省即有風雲隨之而來甫經入城大雨如注不致成災猶以為事之偶然本年亢旱情形幾與五年相同復委委員迎取神魚到省即連日大雨四野霑足萬姓歡呼羣以為龍神之感應合詞稟經藩司詳請具奏前來臣查例載各省志乘所載廟祀正神實能禦災捍患有功德於民者請旨敕封今龍神屢著靈應疊沛甘霖轉歉為豐實

有功德應請御書扁額以光廟貌

吳王廟在依仁鄉祀漢吳文王芮府志

西域廟在治東依仁鄉祀漢樊噲府志

寶蓮廟在治東控鶴鄉祀漢梅福謝志

洪源廟在西山嶺祀清源妙道真君趙昱謝志

許旌陽祠在縣東依仁鄉前有大石高廣數丈一茅插

頂四時皆青相傳為許遜手植謝志

昭忠祠在治北同治元年知縣鍾泰建縣志

節孝祠在學橫背街內迎恩坊舊在北門後移此謝志

縣志

九江府

社稷壇在治東北故景德寺址舊在迎恩門外明洪武

八年知府周文質遷今所

謝志府志縣志

先農壇在東城外雍正四年建

謝志府志

神祇壇在文明門外

謝志

厲壇在望京門外明洪武三年建今廢

謝志府志縣志

關帝廟在東高岡城隍廟右康熙九年知府陳謙建

謝志

府志縣志

文昌府在府治東

府志

城隍廟在太甯坊先建於郡東北宋宣和中遷此元皇

慶中拓建後燬於兵

國朝順治六年重建咸豐三年燬於寇復建十年移建考

棚東首

謝志府志元吳澄後殿記城隍郡縣之土神也土神之祭有社又有城隍何也社兼祭五

土而城隍專祭城隍也夫祭莫莫重於天地然天尊而地親尊者惟一人得祀親者人人得祭也故有天下者

祭地於北郊又祭之於社有國者祭於社而已大夫及
 士庶人所居之里置社其祭土神以報地一也而地有
 廣狹之神不同王社太社天下之神國立社也侯社一
 之土神也里社者一里之土神國立社而侯社主中雷
 雷一家之土神也蜡以祭四方百物雖隄水之防
 之庸成得與祭古人於報地之禮周且悉也如是地
 險山川邱陵而建邦設都必依險以爲固或因山與
 陵以爲城平地則累土築城以據險曰城或曰因川
 隍燥地則掘土浚隍以據川之險曰隍或曰因川而
 古史之造字其用著於周易之繫文所由來遠矣而
 經國典無祭城隍之文儒者謂社祭山林川澤邱墳
 衍原隰則城隍固在其中然予竊有疑焉防與水庸
 於祭社之外有專祭城隍以捍寇敵以保人民其功
 出於防與水庸之下而獨不專報其功乎今郡縣各
 城隍祠所謂禮雖先王未之有可以義起者其若此
 也夫祭土神當祭於壇墀而城隍祭於廟乎嘗求其
 矣蓋祭必有配社以句龍氏而爵尊德尊商尊之人
 往歿而得祭於里社以棲配食者之神是也里人或
 廟城隍之廟殆亦以棲配食者之神試以祀天之禮
 祭地之禮祭社神於壇而配食者之猶南郊之祀天
 城隍神於其配食之廟則猶明堂之祀帝云爾江州
 抗荆揚之交面崇巒背大瀆其城隍配食之人相傳
 形勢之雄他郡莫與倫也城隍配食之人相傳以爲
 丞相顧陰侯灌嬰郡志言高帝六年侯築淦口城卽

江州地則侯之配城隍也宜或謂他郡城隍亦皆侯配
食豈以侯嘗定豫章諸郡而然歟舊江州城隍廟在郡
治東北民之所禱不便宋宣和壬寅郡守遷於今所歲
久屋敝福祐乙酉治江制置使以其屬帥郡民修完之
外門暨景福樓巍然臨乎通衢有錢氏者先世河北人
名安道紹興初江淮招討使張浚命之世掌城隍祠其
來孫大通攻陰陽方伎涉三教結言熟諸人情世務士
大夫喜與遊病廟地窄隘弗可以恢廓勤力經營市廟
後民地數畝興造寢殿材鉅工良視前構有加修廣宣
隆與外樓稱翼以兩廡規制偉甚家無餘兩斗斛之儲
好善樂施者相與捐資以就其志非其誠足以感於神
才足以動乎人何以能壯麗其神之居以至於此哉皇
慶壬子創始延祐己未落成值予過江州大通請紀歲
月予嘉其為人遂不辭而述古今祀典之大槩以俟後
之議禮者及焉

德化縣城隍廟向附府廟嘉慶二十年知縣鄒文炳因
城西門內

上諭亭舊址倡建咸豐三年燬復建

府志

火神廟在文明門甘棠湖上舊關督衙後康熙七年建

今燬

謝志
府志

龍神廟在湓浦門外萬壽宮右雍正十一年知府胡式

瑗建咸豐間燬巡道蔡錦青重建

謝志
府志
縣志

劉猛將軍廟在縣治東東嶽廟之左雍正十二年知府

蔡學顯知縣張思恬建

縣志

東嶽廟在府治東卽唐景星書院舊址

謝志

許真君廟在西門外大新門內

府志

呂祖廟在煙水亭

府志

匡君廟在南臨驛前祀匡俗兄弟

謝志

九江王英布廟在福星門外

謝志

廬山使者廟在德化縣唐開元十九年敕建

謝志

陶九相公廟在九龍灣明正德中九江大旱有僧謂湖

濱父老曰諸神能救旱者惟陶九耳今其像在黃梅五
祖寺廡下父老怪之往訪迎歸果大雨因祀之按陶九
天完之裨將也謝志

孔氏家祠在廬山西麓宋治平時敕建明初孔承節重
修謝志

曾子祠在城內八角市祀宗聖曾子明萬曆二十三年
敕建後燬

國朝康熙六年知府陳謙重建咸豐間燬同治元年裔孫

步瀛重建謝志所助也府志文德翼記得專祀曾子不知

裔通衢曾裔適得遂家焉今得曾姓是也然大子之道
與天地並昭於日月星燦於河嶽者曾子通祀天下矣得
專祀之甯失過歟建後周茂叔黃楚望皆興於潯而曾
子千年絕學復續詎非地發其祥哉先祀孔嚴近廟貌
頽於兵燹故裔私加葺焉噫王麟吐書莫感神於大
學彩鳳含苞豈惟要於孝經得之班班式京東魯矣

四賢祠在府治東祀漢宋均晉陶潛唐狄仁傑白居易

謝志謹案宋均所官之九江與今九江無涉蓋相沿誤祀也漢書地理志具在可攷而知附注於此俟後之釐正祀

典者

陶桓公祠在府城南甘泉鄉謝志

陶靖節祠在楚城鄉柴桑山下歲久圯惟遺舊碑題曰

晉陶靖節先生故里明嘉靖十二年巡按御史李循義

檄知府馬紀重建謝志唐白居易詩柴桑古邨路栗里舊山川不見籬下菊但餘鑑中煙

宋朱子謁祠詩予生千載後尚友千載前每尋高士傳獨歎淵明賢及此逢醉石謂言公所眠況履巖壑古

縹緲藏風煙仰看喬木蔭俯聽橫飛泉景物自清潔優游可忘言結廬倚芬峭舉觴酌潺湲臨風一長嘯詠以

歸來篇謝適淵明詞淵明歸去澤陽曲黎杖蒲葵巾一幅陰陰老樹嚙黃鸝豔豔東籬燦霜菊世紛無盡過

眼空生事不豐無意足廟堂之姿老蓬華環堵蕭條僅容膝大兒頑鈍懶詩書小兒嬌癡愛梨栗老妻日暮荷

鋤歸欣然一笑共蠅室我詩未遣愁肝腎醉裏呼童供紙筆時時得句輒寫之五言平淡用一律田家酒熟夜

打門頭上自有漉酒巾老農時問桑麻長提壺挈榼來
相親一尊徑醉北窗臥蕭然自謂羲皇人此公聞道窮
亦樂容貌不枯似丹渥儒林紛紛隨潤澗山林高
義久寂寞假令九原今可作舉公籃輿也不惡

陶白祠在文明門甘棠湖上祀陶潛白居易明萬曆四
十一年兵巡道葛寅亮建旋燬

國朝康熙十一年知府江殷道重建謝志明葛寅亮記

而皆寄蹟匡山不佞謬為匡山長甫入郡徧求兩公遺
緒靖節祠實遠在楚城柴桑山下所謂通書院五柳館
歸去來館醉石漚纓池又僻在南康栗里尚未之見也
白公祠舊在郡西湓浦門內徐鉉記之久已化為烏有
郡西所建忠節祠又以李合陶而陶與白郡城實未有
專祠不佞慨然曰以李合陶何如以陶與白彭澤令八
又何如陶白合祀時有賈余者曰陶公為彭澤令八十
日耳白公雖貶江州司馬結草堂香鑪峯下然猶再遷
刺史一出處微有不同乎余曰陶不得會昌初始以尚書
致仕出處微有不同乎余曰陶不得會昌初始以尚書
不尙書出處微有不同乎余曰陶不得會昌初始以尚書
意不在酒特以酒為寄而白公居東都亦輒拉乃弟疏
沼種樹構石樓香山鑒入節灘自號醉吟先生為之傳
此其得趣豈真在酒哉故陶以無絃寓素心而白亦託

琵琶以見志聞其居常與嵩山僧爲空門友平泉客爲
山水友而又與楊震卿爲如而不累震卿與元稹牛僧
孺相善而不黨元稹僧孺爲裴晉公所推而不因晉公
以進李文饒素不樂而不爲文饒深嫉此其恬澹高遠
香山居士與五柳先生固無兩也客乃憮然曰陶白同
調如是令兩公生同時陶吹墳白且吹簫而和今以陶
白竝舉眞擬得其倫矣其亟謀所以合之頃因新闢南
薰門循城而轉稍右幾步武乃得一區負城城如半壁
前瞰山川隔嶺圭壁蓮花諸奇岫冉冉餘霞散綺又平
視南湖四時波光蕩漾與市廛絕遠庶幾結廬在人境
而無車馬喧亦彷彿流水周舍下飛泉落檐間者遂庇
材構屋二重屋不甚高廣陶家堵蕭然白亦木斲而已
不加丹欲其稱也階前田若干畝擬彭澤公田或可稱
三之一以守僧藝之充香鑪暨贍資焉田外池方畝池
岸緣以修隄翳然高柳人從柳中出入固不獲如草堂
喬松十數株修竹千餘竿然宅邊五柳雖謂白公
由草堂徑造淵明故居可耳世稱元白稱劉白
余請更稱曰陶白二公亦爲首肯未可知也

白居易祠在湓浦門內

謝志

宋趙抃謁祠詩我愛白

忠義一生奇諫切甯思祿議行卻
罪詩如何江上客唯道琵琶詞

濂溪祠在廬山之麓明正統初御史徐傑

謹案徐傑登
成化五年進

士不應正統初即為御史副使焦宏即書院故址改建

肖像其中歲久漸圯

國朝乾隆二十年知縣高植清丈祠基復建書院後改建

城南謝志府志

張橫渠祠在赤松鄉橫渠曾孫陽學欽宗朝進士會金人之變同長子經次子綸家於吳楚故有祠焉

國朝順治十一年知府王孫章重建謝志文德興記豫

為稱首元公卜居廬山蓮花峯下以道州濂溪名其溪河南從之遊焉厥後文公講學白鹿洞德安蔡元思瑞昌周舜弼諸君子卓然為高第弟子鄉郡州間服行其化虞道園以為九江庶幾鄭魯之盛者此也迨元初尚有楚望與吳草廬交而元文二公之學復振自是若滅若沒先徵君始克受於守約夫子創嚶鳴書院以集四方學者如是者殆二十餘年亦近古吾儒之隆也乃橫渠先生之後有白鳳翔遷於九江之赤松鄉者其地曰渠田因先生而名其田也督學使者選先生之裔孫絃祠邵庠弟子員俾祀先生絃上請於守令新其祠堂守

令皆嘉其意捐助之祠成請余文以記其事余不敢樂
聞是舉也語之曰夫學將以明性也性無有外而客感
橫於中則與天地不相似至虛之體遂不能實有諸己
矣非學其孰能明之元公之言誠也河南之言敬也朱
之言窮理也黃之言致思也無非明乎是者而先生之
言爲尤著曰性者萬物之一源非有我之所得私也又
曰惟太虛無動搖故爲至實旨哉言乎學者不察以爲
無私則大共焉而合於虛合於虛則杳杳冥冥而卒不
可執持而底於實是皆異說之所爲而非吾儒本天之
學也明乎至虛之爲至實則凡一動一靜一言一行之
間以及於人倫物理千緒萬端而皆吾性之無外如魚
之於水鳥之於空欲呼吸離去之不得者而又何客感
之足言哉九江舊有濂溪書院二在城者至今僅存在
墓道者久已圯廢至若楚望故宅不識其所在而遺經
亦無傳本周蔡二先生並未祀於學宮其土人且不識
其子孫甚矣文獻之缺也張子絃罔能存其祠於荒山
野水之中巍然喬木後有過者望絳楔焉知其祠於荒
生有不爲之徘徊感慕私歎關西之尙有後人也哉

岳母祠在白鶴鄉祀宋岳飛之母明正德中建

謝志

岳武穆祠在府治南舊爲岳王宅旁有洗兵池宋乾道

六年建明正德七年知府李從正重建

謝志

趙忠定祠在廬山麓祀宋趙汝愚

四忠祠在豐儲坊祀宋鈐轄趙士隆一作元總管李

明經歷彭永春德化知縣朱華玘謝志國朝文德吳

子之大節莫貴於死忠地方之公心莫隆於崇祀列地

方死而不獲地方之報必有惻於幽明為臣子忠而不

享臣子之名將無訓於今古慨九江近事如宸濠之變

王文成疏劾賊未至而先逃城不攻而自破若某某者

千秋難刷其辱焉戊子南昌告變偽騎一麾城中文武

請降無一人為朝廷出一矢以相遺者良以死者人

之至難而忠者世之至少者也固有彰彰明於史冊廟

食以久而暫湮名隱約於風謠懸綸以徵而或輟苟不

祀焉其何以勸如宋之罵賊李成而死江州總管李公誠者

士隆者元之巷戰賊徐壽輝而死江州總管李公誠者

明之不降叛將左良玉而合家焚而死九江衛經歷彭

永春者又有不降良玉而被兵殺而死德化縣知縣朱

華玘者此四公者或王孫貴胄或鼎甲巍科或貨郎下

吏貴賤不等而能死則同顯晦莫齊而致忠實不可問矣

忠一廟雖經敕建今已化為馬廐鞠產繩叢不可問矣

鈐轄事備載宋史而失祀當時實缺典也至若彭經歷

朱知縣之於左也晉陽之甲必以叛書則蕩陰之節應

以忠錄矣況國朝於死崇禎難諸臣皆得美諡重

一一不遺如二臣者既無吠堯之嫌更非恥周之黨以小臣而自靖真視死而靡他即稍於文忠之列當無惡焉獎往者以摩鈍亦今之法也謹序

李忠文祠原作文忠誤在豐儲坊祀元總管李黼賜額崇烈

明宏治三年知府金潮以其兄冕兄子秉昭配祀

國朝乾隆十九年知縣江岷改建於八角市考棚之右謝志

府志明周敘碑記有元之季青陽余公闕守安慶

孤城與賊力戰百餘屹然為江淮保障者幾七年糧盡

援絕死之妻孥皆不屈相從以死當時江州李公

黼守上流預料時危修城訓兵為備禦計賊不能逾匡

廬彭蠡以窺江右者黼之功也卒之力盡不支先余公

城破死之嗚呼悲夫余嘗謂唐之亂也賊起於朔方顏

杲卿奮義河北張巡許遠力守睢陽皆先後相繼死賊

而唐遂以中興元之亂也賊起於南方李之守江州余

之守安慶與顏張甚相似其死也綱振靡不但其國家

於此足以見其君臣政治得失紀綱振靡不但其國家

之德澤淺深足徵而已蓋唐雖明皇晚年老荒而代以

肅宗有郭子儀李光弼諸臣為之輔紀綱賞罰尤秩然

可仰元順帝即位荒淫日久百度廢弛當時羣臣靡然

相師號令不明賞罰不嚴淪溺敗壞不可救藥故雖有

二君子之烈如唐顏張輩不能補其亡也此其所由異
歟向使元紀綱稍振則二臣之死豈徒然哉嗚呼悲夫
余嘗道安慶知青陽事甚悉獨江州每嘆未嘗一至茲
奉命往使衡湘獲經江郡徘徊於大江層城之間英風
壯節凜然可想乃爲詞二章以弔之詞曰元鼎兮沸鵬
典常素兮不綱撫長劒兮橫視屹江淮兮保障金戈兮
鐵馬時不利兮摧傷甯甘心兮一死濺頸血兮清塘孤
忠兮大節挺勁草兮秋霜正學兮雄詞揆雲漢兮天章
赫青編兮偉烈配巡遠兮睢陽煥昭兮日月永千古
兮爭光旋遙睇兮江州屹孤城兮上流弔英魂兮何在
慨元政兮不修政不修兮佚游偉郡侯兮良籌訓兵兮
繕甲擁猛士兮斲鯨羣兇張兮援絕天不祚兮奚尤臨
大節兮不奪凜勁氣兮橫秋時匡廬兮異我渺大江兮
悠悠君令名兮同永增予心兮煩憂元周霆振李潯
陽死節歌并序李侯治潯陽之二載紅巾賊發斬黃倚
蔡醜爲聲援勢浸偪郡數告急於省省議調兵武昌興
國相繼沒南北道梗潯陽厄侯力疾獎率民義誓不與
賊俱生郡將悉所部先遁侯轉戰力疾獎率民義誓不與
陳慨指天父子同遇害嗚呼李侯可謂仁義之勇矣彼
滔滔者獨何心哉侯家潯川名黼字子威曾祖而下仕
皆通顯發身監學泰定丙寅鄉試魁上都丁卯進士第
一死節王辰春年五十有六詩云蜀川會漢投匡廬潯
陽之厄江西樞李侯仗節忠貫日存沒誓與城池俱庸
庸郡將弛練卒世祿忍負私其軀寇來談笑啟關過坐

使邑井成邱墟俟時力疾短兵奮臣首當血心當刳魂
歸謂帝勸伏闕塗地肝腦民何辜臣衷願憑付渠答臣
首欲飛宜俸姑誓堅紅壁殲眾醜卻埽淮蔡匡全吳黃
塵四低黑風淡赤豹騰駕蒼虬呼山川幾劫鏘英氣上
邇古昔誰其徒平原汗馬河北重江淮安堵睢陽孤顏
張際陳心未死迴立千載誠相孚況聞有子殊激烈義
在從父輕頭顱石頭之袁始執卞兩開忠孝何嘗無紛
紛賣降與棄甲仰視干喘呀長吁惟公蓋自元氣立願
盼所取皆詩書當年射策首多士已分一念金無渝助
哉謀國慎所託古今大勇惟真儒明楊廉詩此日存
亡視此城勢孤誰肯為增兵須知豹略無雙士曾占龍
頭第一名畫策每遭人見沮誓天不與賊俱生從來未
樣江舟擢史上
悠悠空復情

王文成公祠在府治南明萬厯閒兵巡道葛寅亮建卽

陽明書院

國朝順治十七年推官胡宗虞重修

謝志府志

邢公生祠祀明萬厯閒九江太守邢有忭

謝志何高記余少明葉

從先大人於潯陽習其山川風俗與其百姓之所急考
覽其郡乘自漢以來守土循良勤恤之吏自宋均而下

不過數人豈非難哉今去先大人爲別駕時已二十餘年而潯人猶與余往來不絕詢及郡中事無不極口爲使君稱公之治行其感人之深至於閭閻奔走聚會爲之弓韜被襜不啻若家人父子然此卽古循良不多見者余方爲潯人喜未幾公以憂去潯人涕泣追慕肖像以祠而其士大夫子弟至馳千餘里乞余言以志不忘余見今之守令無功德於民而浮慕畏壘桐鄉之名以覆蓋其短而其民亦窺其意之所欲得而妄爲之俎豆以中其歡上下相愚漸然無味蓋衰世之弊一至此也有如邢公祠可哉祠可哉始公之至郡也民苦積逋猾胥乘之得輕重其手公差其賦役而爲之限書之於單而戶給之緩急多寡比率從事官無致期併責之授而賦額漸輕臺使者下其法於十二郡無不便民呼輸納使坐封裁糧頭節冗費嚴兌銷弊悉清民歡呼輸納使君生我何敢道也郡役夫受直於南昌枵腹而待輸莫之急也以愬公公曰吾潯賦宗祿矣越三百里而輸之南昌胡不兩易之而兩利之議上當道無以奪蓋役之自此不枵腹矣封郭桑落二洲堤壞豁田數萬頃無夫築者公以冬春行隄導其淫而障其決公在郡而水不爲災也田皆畝鍾遇旱則步禱禱無不應以豐歲勸民積粟實社倉以備不虞又時其災病而醫藥之所活無算月旦則行鄉約詔以聖諭聽者灑然思當公指矣有訟師賊魁爲民害者教戒不俊捕治之悉論如法自是相戒無敢犯公又精於識斷德化民趙守彥與傅五

九宿仇也彥夜被劫晨過五九賢布於塗執以爲賊訟
繫之所株連甚眾半斃獄中公驗布廣狹不類白其冤
盡釋諸逮繫莫不感泣胡劉二姓爭牛牛大小同卽其
主不辨也毛而別之又不待公令齒驗之以牛歸劉胡
不敢言亡何獲其牛於盜家愧伏待罪諸豪訟者聞之
望公庭而返曰公實神明何可以無情嘗公也公自奉
廉不輕貿一物市肆晏然至於學校祠廟先賢遺迹有
可興人文裨風教者不難出力營之雖費無惜嘗建文
昌祠飾城隍廟建武城祠祀先賢繕思賢橋暨浸月亭
百廢具舉又立社學簡民秀衣巾其塾師大修學宮凡
祭器俎豆之典無敝無濫歲時至學行禮羣諸生而課
之藝厚其楮類察其不能婚葬者資助之而時勉以行
誼士皆感奮計公在郡僅四年所規畫創豎長育教訓
其利澤可數十百年而未竭潯人之戴公欲尸祝公雖
出於一時而其心嘗若數千百年子孫世世奉公而無
休已蓋至於讀爲公被祥之辭真懇溢出唯恐其嗣續
之不蕃而食報之不遠然則今之長吏其結於人爲
所思慕未有如公者也往余在潯時聞諸大夫言潯四
輪之國瘠而澆難於綏馭故凡有不得志於官者率未
免委過於其地乃先大夫以一郡佐所至見思而輒
爲祠以祀至公守郡復以士民之意請學使者秩祀之
學宮然則得地雖疲而其民風之厚人情之易感較之
海內亦未有如潯者也公之見德之深數十年而不
忘也宜哉余雖未及承公下風親睹其行事然度其人

敕建府

志

必眞誠惻愍歎發於中心達於面目不言而人信之非粉飾鋪張塗人耳目者可望萬一此其所以惓惓慕悅於先大失也今者公之祠成而效一言以不朽余眞有不容辭者矣故因士民之請書其事俾勒之石
塔忠武祠在城內大街咸豐八年奉

敕建府

志

李忠武祠在府治東奉

昭忠祠在城隍廟左嘉慶七年奉

敕建

府

廣西平南縣知縣周岱生與其子周儒雲南烏蒙府通

判劉鎮福建臺灣嘉義縣佳興里巡檢姜文炳陝西漢

中府留壩廳同知汪銓及馬步戰兵二十八名一在鎮

署左同治七年九江鎮黃開榜倡建內祀前鎮馬襄愍

濟美及鎮標陣亡殉難各員弁兵丁

府志

節孝祠在縣學外

謝志上德化以

德安縣社稷壇在縣北一里明洪武元年知縣曹景輝

建

國朝雍正十二年知縣李宗瀚重修今廢址存

謝志府志

先農壇在西安門外一里雍正四年知縣周邵生建今

廢址存

府志

神祇壇在縣南雍正十二年知縣李宗瀚重修今廢址

存

謝志府志

厲壇在治東舊在治北半里明洪武五年知縣曹景輝

建後以築城壇在城中嘉靖閒以城外田易之卽今北

關外

謝志府志

孔氏家廟在敷陽四鄉泉山去縣西北六十里

縣志

關帝廟在南門外康熙六年知縣張侯建道光二十九年大水廟圯知縣姚體備遷建城內學署右咸豐四年燬於寇同治十年知縣沈建勳仍移建南門外舊址謝志

府志
縣志

文昌廟在儒學櫺星門左嘉慶二十一年西鄉士民改建於外泮池東府志

城隍廟在治西三十步宋知縣劉允迪建

國朝咸豐四年燬同治六年知縣海明重建府志
縣志

火神廟在治東咸豐四年寇燬縣志

東嶽廟在南門內路東咸豐四年寇燬縣志

許真君廟在治西城隍廟左乾隆十二年知縣崔瀋建

咸豐四年燬府志
縣志

司馬溫公祠在縣學內祀晉溫嶠謝志 原案李夢陽

軍司馬後刺江州於是立祠祀之後人以官為姓以姓為封遂誤為宋司馬光矣

陶靖節祠在治北離城四十里府志 縣志

五賢祠在縣署後祀宋郡守李澗楊沂王秬李邦獻李

若川五公奏減德安積年重稅邑人德之為立祠謝志 縣志

志

昭忠祠在治前正街東闌闕坊左同治九年建祀咸豐

四六兩年殉難諸人縣志

節孝祠在城西關謝志 以上德安

瑞昌縣社稷壇在縣西北舊在白龍橋左明洪武二年

知縣黃顏遷今所謝志 府志 縣志

先農壇在校場東側舊在演武廳關帝廟東雍正二年

知縣張豐孫建

謝志府志縣志

神祇壇在治南半里舊在小南街之西明正德七年知

縣黃源大遷今所

謝志府志

厲壇在望仙橋東明洪武三年知縣黃顏立

謝志府志縣志

關帝廟在北門外演武亭後明嘉靖閒知縣駱秉韶建

國朝咸豐三年燬於寇同治七年重建

謝志府志縣志

文昌廟在小南門外邊街頭康熙十二年知縣江皋建

府志縣志

城隍廟在縣西興教坊右明洪武閒知縣李鳳建

國朝乾隆十八年知縣鄒尙仁移建學旁

謝志府志縣志

東嶽廟在城東南東山寺左

縣志

龍神廟在治西澀石泉雙峯尖側

縣志

劉猛將軍廟在縣署後道光十五年知縣董思誠建府志

許真君廟在東嶽廟左養濟院前府志

謝安廟在金城鄉謝志

顯濟廟在泰安鄉白龍泉側宋嘉泰閒建賜額顯濟祀

漢槐里侯萬修宋元明俱有封敕謝志又列槐里侯祠

重出今刪

楊東山廟在治南祀唐禮部侍郎楊復仁謝志謹案

祠以公舊寓丁溪也名嗣復亦與謝志異

元次山祠在襄溪倉城墩宋蘇軾過此賦詩明嘉靖中

知縣洪鈞偲合祀元蘇更名二賢祠後知縣駱秉韶補

祀王梅溪梁尚忠補祀周元公更名四賢祠久圯知縣

陳韶移建於縣東陶家嶺葉公祠後為五賢祠葉公名

朝榮通判權縣事愛民剔弊民祀之

謝志縣志

義烈祠在演武廳右明嘉靖四十年流賊犯廣信巡撫

胡松檄瑞昌鄉兵柯談吳黃王五姓勦之事竣錄死事

者三十人自為文祭之

謝志

節孝祠在學外西

謝志以上瑞昌 以

湖口縣社稷壇在湖塘山後舊在下鐘山後明成化間

遷治南宏治四年知縣周顥遷今所

謝志

縣志府志

先農壇在東門外社稷壇側雍正五年建

謝志

縣志府志

神祇壇在松壽山右舊在狀元坊明嘉靖間知縣章位

梅遷今所

謝志

府志縣志

厲壇在縣東門外舊在下鐘山左明宏治間遷楊港西

灣塘正德中知縣盧秉彝以水漲遷今所

府志縣志

關帝廟在治前金山頂舊在中國坊今城隍廟址明萬
厯閒遷今所

國朝咸豐四年燬於寇同治十年移建於文昌宮左謝志府

縣志

文昌廟在學宮左舊在松壽山嘉慶二十三年遷今所

咸豐四年燬十年移建於馬坊嶺府志縣志

城隍廟在治前五十步初建治旁元至德閒遷今所

國朝咸豐四年燬十年移建文昌宮舊址府志縣志

既濟廟在下鐘山麓大佛殿左咸豐四年燬同治二年

重建縣志

許真君廟在龔開嶺府志

祖將軍廟在鄱陽湖中祀晉祖逖謝志唐歐陽詹弔
九江驛碑材文弔傷

而有辭者也噫九江之驛碑其何與辭而弔歟斯碑之
材昔太師魯國顏忠肅公所建祖亭之碑也公素負辭
華代之銘誌多公之辭又好採異留名之致頃為湖州
牧州產碑材石每使工琢之與辭兼行磨礱而成常心
使用者不可勝數斯碑也終山之窮僻得之於自然跌
本有龜護頂有壩雖不甚成而挈蹇償興如神如靈公
神而珍之精選所處湖州無稱立罷守歸朝載而途卜
出蘇臺人毘陵亦無稱立轉丹陽游建業亦無稱立次
江州州南有湖湖東有山蛟奔壩引直到湖心頓趾之
處則茂林峭石勢瓌氣勝非往往時所眺而神祠曰祖將
軍廟在焉公觀其詭秀與碑材叶即日以酒脯奠祖神
出錢五萬造亭曰祖亭南香鑪峯北潯陽城九江為亭
千艘厯階亭既就公製亭之文手勒斯碑而立之公文
為天下最書為天下最斯亭之文手勒斯碑而立之公文
加以斯碑之奇相持萬古而採異留名之致一得也後
典州吏於州之九江驛有修坏之勞狀其未績乃取斯
碑刻公之述寘已之述今為九江驛之碑焉余旅遊江
州稅於茲驛祠部員外郎鄭恕同之鄭與州將嚴士良
共為余說而俱以相示嗚呼先賤後貴世之常也先貴
後賤人之傷也以祖亭方九江驛則蘭室鮑肆矣以魯
公之文方今之文則牢醴楮稷矣以魯公之用則華夏
之札翰則錦繡泉麻矣以魯公之用則華夏之文得人
夷狄矣痛哉斯碑出祖亭入九江驛失魯公之文得人
之文削魯公之札翰題人之札翰亡魯公之川就人之

用是去蘭室而居鮑肆舍牢體而食糟糠脫錦繡而服
泉麻黼諸夏而卽夷狄可悲之甚者況我質天成必將
可名魯公所以卜擇敬慎如彼而常人無良黷辱如此
與夫有道而踈無罪而刑投四裔禦魑魅何以別也石
不能言豈其無冤故弔之有文曰情違乃傷理拂乃冤
人實有之物亦應然嗚呼子碑冤可余知陰陽子材豈
曰無意必有以殊方頒以異與顏表勝以殊則明從吏
居卑以異奚旌子產既授子不終致悠悠彼蒼何嗟及
矣美玉抵禽高冠藉足有類子碑先榮後辱繼世生哲
詎無賢兮將覲於斯將悼於斯庶滌所黷而復攸宜屹
屹子碑如神如祇人得以專天
造何爲其不然矣其不然矣

玉壺祠在都盛鄉晉永嘉閒許遜祛妖於黃牛湫人神

其事乃立祠

謝志

陶桓公祠在僧官巷

謝志

陶靖節祠在學宮東元知縣孫文震建一在三學士寺

側亦文震建後圯明嘉靖閒知縣沈詔建祠塑像及陸

靜修周續之像更名三賢祠

府志縣志元吳澄記
晉靖節陶先生家潯陽之

柴桑嘗爲彭澤令後析彭澤創湖口縣湖口亦彭澤也故其境內往往有靖節遺迹孫侯文震宰湖口因行其鄉至三學寺民閒相傳以爲靖節讀書之地旁有望月臺舊基猶存乃出私錢屋於臺基之上且就縣學東偏建祠堂三閒以祀先生湖口小邑凋敝特甚扼江湖之會當驛置之衝侯興補滯廢應接往來精神光潤意氣閒暇處難若易任勞若逸固其才略之優而又追慕先賢尊崇表章以勵末俗是豈俗吏所能爲者值予舟過湖口而請記其事竊惟靖節先生高志遠識超越古今而設施不少概見其令彭澤也不過一時牧伯辟舉相授俾得公田之利以自養如古人不不得已而爲祿者爾非受天子命而仕也曾幾何時不肯屈於督郵而去充此志節異時詎肯忍恥於二姓哉觀述酒荆柯等作殆欲爲漢相孔明之事而無其資責子有詩與子有疏志趣之同苦樂之安一家父子夫婦又如此夫人道三綱爲首先生一身而三綱舉無愧焉忘言於眞意委運於大化則幾於同道矣誰謂漢魏以降而有斯人者乎噫然先生未易知也後人於言語文字閒窺覘其髣髴而已下使人眷眷不忘其何以得此於人哉予於孫侯之爲惡乎而不喜談樂道之也侯燕人所至有廉能聲

狄梁公祠在下觀音巖祀唐狄仁傑

謝志

岳忠武祠在長虹隄明萬厯閒建

國朝咸豐四年燬同治九年重建府志縣志

表忠祠在成德嶺下祀給事中鄒逢吉謝志

李公祠在治北祀明李應昇天啟閒任南康司理盤查

至縣多惠政民祀之縣志

昭忠祠在下鐘山嶺咸豐八年奉

敕建祀蕭節愍捷三殉戰官弁士卒附祀同治十二年改以前

楹祀兩江總督曾文正國藩徙節愍於後楹縣志國藩記咸豐

豐八年七月國藩將有事於浙江道出湖口廣東惠潮道彭君雪琴方庇局鳩工建昭忠祠於石鐘山祀楚軍

水師之死者告余具疏上聞八月疏入祠則祠報可明年七月國藩將有事於四川再過湖口則祠

工已畢祀營官蕭節愍公捷三以下若干人後楹祀勇丁若干人其東為浣香別墅前曰聽濤眺雨之軒後曰

芸芍齋齋後傳以小亭亭下有小池度梁而南穿石洞東出曰梅鳴迤西少陟山曰鎮江亭其西絕高曰觀音

閣閣外曰魁星樓僧徒居之又西曰坡仙樓刻蘇氏石
鍾山記其上憑高望遠吐納萬景一草一石煥然增新
矣當楚軍水師之初至也造舟始於衡陽大戰始於湘
潭其後克岳州下武昌大破田家鎮今福建提督楊君
厚庵與雪琴暨諸君子喋血於狂風巨浪之中燔逆舟
以萬計轉戰無前可謂至順其後官軍深入彭蠡之內
賊乘水涸大塞湖口遇我舟使不得出於是水師有外
江內湖之分內者守江西外者援湖北驟然若割肝膽
而判爲楚越終古不得合併至咸豐七年九月攻克湖
口兩軍復合蓋相持三年之久死傷數千人之多僅乃
舉之方其戰爭之際礮震肉飛血瀑石壁士饑將困窘
若拘囚羣疑眾侮積淚振江以求奪此一關而不可得
何其苦也及夫禍成之後禱薦鼓鑊士女瞻拜名花異
卉薜蘿啾啾江色湖光呼吸萬里曠然若不復知兵革
之未息者又何樂也時乎安樂雖賢者不能作無事之
聲蹙時乎困苦雖達者不能作違眾之驢欣人心之喜
戚夫豈不以境哉吾因是而思夫豪傑用兵或敝一生
之力擲于萬人之性命以爭尺寸之土不得則鬱鬱以
死者甯皆憂斯民哉亦將以境有所迫而勢有所劫者
然也若夫喜戚一皆主於己不遷於境雖處富貴賤
死生成敗而不少移易非君子人者而能庶幾乎余昔
久困彭蠡之內蓋幾幾不自克感彭君新構此祠有登
臨覽觀之美粗爲發其凡焉

節孝祠在鐘山麓乾隆十八年移建學宮右咸豐四年

燬同治十一年改建於馬坊嶺武廟左

謝志 縣志 以上湖口

彭澤縣社稷壇在觀音山明宏治間建

國朝乾隆元年知縣李松泰改建

謝志 府志 縣志

先農壇在北郭外嶽廟山知縣李松泰建

府志 縣志

神祇壇在縣治南知縣李松泰建

謝志 府志

厲壇在縣東北

謝志

關帝廟在北門外河濱道光十三年大水衝圯移建於

城內學宮左

謝志 縣志

文昌廟在縣署後嘉慶十年擴建一在明倫堂左咸豐

閒皆燬於寇

縣志

城隍廟在治西鳳凰山下明洪武初建

國朝咸豐三年寇燬同治八年重建府志

東嶽廟在北門外咸豐閒燬縣志

龍神廟在十三都富陽嶺下有泉大旱泉出水渾三日

丙必雨一在小孤洲磯頭縣志

英烈廟在縣北清涼寺左唐貞觀閒創祀梁昭明太子

蕭統宋嘉定甲申賜號英烈相傳清涼寺乃統棲隱之

地因立廟

國朝咸豐三年燬十一年重修謝志

劉猛將軍廟在西門外河濱道光二十六年仍關帝廟

舊址新建咸豐閒燬府志

金龍四大王廟在金剛料縣志

三閭大夫祠在小孤洲咸豐三年寇燬十年遊擊鄔世

連移建於龍津寺左

縣志

三賢祠在治南唐景龍中建祀晉陶潛明成化中增祀

唐狄仁傑嘉靖閒知縣戴璋又增祀宋趙卯發一作昂發改

今名

國朝乾隆三年知縣李松泰建春衣書院又祀三賢於院

內咸豐三年俱燬知縣李士棻移建於東門內嶺半

府志
縣志

狄梁公祠在舊縣西北去今治二十里宋紹興閒賜額

顯正嘉定甲申封忠烈侯明賜公爵諡文惠

府志
宋范

仲淹廟碑天地閉孰將闢焉日月蝕孰將廓焉大廈

孰將起焉神器墜孰將舉焉巖巖乎克當其任者惟梁

公之偉歟公諱仁傑字懷英太原人也祖宗高烈本傳

在矣公爲子極於孝爲臣極於忠忠孝之休揭如日月

者敢歌於廟中公嘗赴并州掾過太行山反瞻河陽見

白雲孤飛曰吾親在其下久而不能去左右爲之感動

詩有陟岵岵傷君子于役弗忘其親之深吁嗟乎孝
之至也忠之所由生乎公嘗以同府掾當使絕域其母
老疾公謂之曰奈何重太夫人萬里之憂詰長史府請
代行時長史司馬方睚眦不協感公之義懽如平生吁
嗟乎與之交而先其憂況君臣之際乎公爲大理寺丞
決諸道滯獄萬七千人天下服其平武衛將軍權善才
坐伐昭陵柏高宗命戮之公抗奏不御上怒曰彼致我
不孝公前曰陛下以一樹而殺一將軍張釋之所謂假
有盜長陵一坏土則將何法以加之臣豈敢奉詔陷
下於不道帝意解善才將何死吁嗟乎高宗幸汾陽宮道
少恩公獨愛君以仁何所存之遠乎高宗幸汾陽宮道
出如女祠下彼俗謂盛服過者必有風雷之災并州發
數萬人別開御道公爲知頓使曰天子之行風伯清壅
百師灑道彼何害哉遠命罷其役又公爲江南巡檢使
奏毀淫祠千七百所所存惟夏禹泰伯季子伍員四廟
曰安使無功血食以亂明哲之祠乎嗟乎神猶正之
而況於人乎公爲甯州刺史能撫戎夏郡人紀之碑及
遷豫州會越王亂後緣坐七百八人籍沒者五千口有使
促行刑公緩之密表以聞曰臣言似理逆臣不言則辜
陛下好生之意唯陛下矜焉敕貸之流於九原邪道出
甯州舊治父老迎而勞之曰我狄使君活汝輩邪相攜
哭於碑下齋三日而去吁嗟乎古謂民之父母如公則
過焉斯人也死而生之豈父母之能乎時宰相張光輔
率師平越王之亂將上貪暴公拒之能乎時宰相張光輔

將忽元帥邪對曰公以三十萬眾除一亂臣彼脅從輩
聞王師來乘城而降者萬計公縱暴兵殺降以爲功使
無辜之人肝腦塗地如得尙方斬馬劍加於君頸雖死
無恨光輔不能屈奏公不遜左遷復州刺史呼嗟乎孟
子有言威武不能屈是爲大丈夫其公之謂乎爲地官
侍郎同鳳閣鸞臺平章事爲來俊臣誣構下獄公曰大
周革命萬物惟新唐朝舊臣甘從誅戮因家臣告變得
免死貶彭澤令獄吏嘗抑公誣引楊欽柔公曰天乎吾
何能爲以首觸柱流血被面彼懼而謝焉呼嗟乎陷奔
之中不義不爲況廟堂之上乎契丹陷冀州起公爲魏
州刺史以禦焉時河朔震動咸驅民保郭公至下令
曰百姓復爾業寇來吾自當之狄聞風而退魏人爲之
立碑未幾人相請罷戍疏勒等四鎮以肥中國又請罷
安東以息江南之饋輸識者譴之北狄再寇趙定冊出
公爲河北道元帥執退就命公爲安撫大使前爲突厥
所脅從者咸逃散山谷公請曲赦河北諸州以安反側
朝廷從之呼嗟乎四方之事知無不爲豈虛尙清談而
已乎公在相日中宗幽房陵則天欲立武三思爲儲嗣
一日問羣臣可否眾皆稱賀公退立不答則天曰無乃
有異議乎對曰有之昨陛下命三思募武士歲時之閒
數百人及命廬陵王代之數日之閒應者十倍臣知人
心未厭唐德則天怒令出一日則天謂公曰我夢雙
陸不勝者何對曰雙陸不勝宮中無子也復命策出又
一日則天有疾公入問閣中則天曰我夢鸚鵡雙翅折

者何對曰武者陛下之姓相王廬陵王則陛下之羽翬也
是日可折乎時三思在側怒發赤色則天以公屢言不
奪一且感悟遣中使密召廬陵王矯衣而人人無知者
乃召公坐於簾外而問曰我欲立三思羣臣無不可者
惟侯公一言從之則與卿長保富貴不從則無復得與
卿相見矣公從容對曰太子天下之動哉太宗本一搖而天下
動陛下以一公從容對曰太子天下之動哉太宗本一搖而天下
授之子孫三思何與焉昔高宗寢疾令陛下權親軍國
陛下奄有神器數十年又將以三思爲後如天下何且
姑與母孰親子與姪孰近立廬陵王則陛下萬歲後皇
唐之血食立三思則天宗廟無祀姑之禮臣不敢愛死以
奉制陛下其圖焉則天感泣命褰簾使廬陵王拜公曰
今日豈朕之臣社稷之臣也於地則天命左右起之拊公
背曰豈朕之臣社稷之臣也於地則天命左右起之拊公
太子復置廬陵王於龍門備禮以迎中外大悅吁嗟乎
定天下之業斷天下之疑其至誠如神雷霆之威不得
而變乎則大當命公擇人公曰欲何爲曰可將相者公
日如求文章則今宰相李嶠蘇味道足矣思得奇才以
成天下之務乎荆州長史張柬之眞宰相才誠老矣一
朝用之尙能竭其心乃召拜洛州司馬他日又問人於
公對曰臣前言張柬之雖遷洛州猶未用焉改秋官侍
郎及召爲相果能誅張易之輩返正中宗復則天爲皇
太后吁嗟乎薄文華重才實其知人之深乎公之勳德
不可殫言有論議數十萬言李邕載之別傳論者謂松

柏不天金石不柔受於天焉公爲大理丞抗天子而不
 屈在豫州日拒元帥而不下及居相位而能復廢主以
 正天下之本豈非剛正之氣出乎誠性見於事業當時
 優游薦紳之中顛而不扶危而不持者亦何以哉某貶
 守鄱陽移丹徒郡道過彭澤謁公之祠而述焉又系之
 云商有三仁弗救其滅漢有四皓正於未奪嗚呼武暴
 如火李寒如灰何心不隨何力可回我心哀傷拯天之
 亡逆長風而孤鶻過大川以獨航金可革公不可革孰
 爲乎剛地可動公不可動孰爲乎方一朝感通羣陰披
 攘天子既臣而皇天不可動孰爲乎方一朝感通羣陰披
 噫非天下之至誠其孰能當而唐七世發靈萬年垂光
 讀唐史至則天武后稱狄仁傑元滕賓重修祠記余嘗
 天蓋亦知公之深矣公直言大節撥亂反正使唐三百
 年天下如不周既觸而屹乎擎天之柱三神已搖而
 歸乎負海之六龍不然當時豈無李嶠蘇味道輩儒雅
 風流浮沈俯仰唐之天下周矣是以天地著其誠鬼神
 畏其烈而臣子景慕其忠孝則彭澤之有祠有碑隱然
 世道人物之所繫有足以證不死之在人心中者嗚呼自
 公謫令於斯距今七百禩瞻仰如新水旱必禱公之精
 靈眷眷斯土抑如水之在地中無所往而不在于邪皇慶
 初元翰林學士買住璠下賜簡齋公通誠大夫長江州
 邵侯按邑見祠宇傾圯亟捐俸度工撤而新之翬飛改
 觀士民忻悅請記其事余惟梁公相業著在史冊文正
 范公筆之已詳彭之人與夫四方上下之士誦之習矣

古者卿大夫沒而祭於社公爲唐社稷臣宜乎廟食百
世豈但祭於社而已禮有捍大菑禦大難者則祀之公
動與天地不朽日月爭光豈止一時捍禦之勞哉獨惟
侯之爲郡實能廣公爲邑之心下車及今民懷其惠吏
畏其明獄訟以平饑窘以濟其立朝則清忠自許於治
郡則政教並行睹前賢往哲則契慕企及高山仰止景
行行止諒不獨於梁公爲然初公使江南安撫時奏毀
淫祠千七百所惟存夏禹泰伯季札伍員四廟曰毋使
無功血食以亂明哲之祀今侯之爲郡所從祀未及他
而首營繕公廟以慰民望其亦尊明哲之意而還以祀
公也夫生而賢者死必爲神明亦必生而賢者則其祀
神明也爲無愧又按公在彭澤時值歲告歉公曰天也
令諉責乎疏於朝錫其年租稅民悅又縱囚三百餘令
歸度歲如期果還凡可以惠彭之民者無一不至而范
碑關之故余又書其事於末以見公之得祀於是邑也
以此噫廬山蒼蒼我思太行後先相望而公之德何可
忘此重記之所由作也明何綸重建祠記狄文惠公
祠在舊縣之西二里許自唐迄今八百餘禩中開若宋
若元代有顯封而諡則未聞至於祀典亦未嘗備也洎
惟高皇帝誕膺天命統有四方乃於前代勳臣特加贈
諡其有祠於四方者亦命有司時享焉以故公得贈司
空諡以文惠祭以三月三日九月九日物用一羊一豕
著爲定令行於有司誠萬世不刊之盛典也公之舊祠
元皇慶初守江州前翰林學士賈住公所建歷年一百

四十有九梁棟傾頽瓦玃剝落弗堪瞻仰章邱李君紀
來幕是邑乃謂公以忠孝聞於天下後世凡所經厯之
處皆有祀享祠宇翼然而足祠柳於公爲令之日入我
國家祀典之內而且爲邑人所禱旱澇疾疫之所可無
一新以其翼翼之瞻乎於是捐俸買材鳩工集力經始
於天順庚辰十月落成於辛巳三月望祠宇廊翼巍然
華然各極其美視舊觀爲有加矣李君其本末請言
記石惟公之有祠於彭蓋以謫令是邑值歲凶歉爲民
上疏免租故民感德立生祠祀之豈其它在四方者之
所同也況公在唐室以孤忠持操反覆論諫感悟則天
復迎中宗諡有天下三百年之久休功偉烈著在青史
可與日月爭光可與天地同久而垂於不朽矣是祠之
新不亦宜乎然彭澤邑小而濱大江爲政者往往難於
應接雖是祠當新亦不暇及也李君以一幕賓乃能新
公是祠豈直嚴祀享之敬肅對越之誠而已蓋將使彭
之人士於駿奔之際尊崇之景仰之思爲其忠臣思爲
其孝子皆聞風而興起不謂之知所先務乎是可書也
若夫興佐樂助協相其成者有在職之羣工有通邑之
庶民茲不備書用列名於碑陰云宋趙鼎謁祠詩賢
正屯蒙日陰邪會用時人從萬死過誰肯一言危毒意
回天后忠誠薦東之復唐三百載留得枕江祠明危
素新廟詩大江從西來萬里流湯湯維唐社稷臣勤業
載旂常天子在房陵女后御明堂晨聞北雞鳴歷聞溫
穹蒼猗公秉忠義耿耿立廟廊周旋極祖勉論議忽慨

懷敷御卷冕歸宗社赫有光豈徒保國祚實欲扶天常
雲孫江州牧恩聖宮廟薦烝嘗豆還孔嚴潔絲石載鏗
鐸再拜久屏息低思想忠良作歌勸臣子百代踵遺芳
費案望秋祠詩當年籌策費紆繁萬古乾坤只此情
北斗以南聲傾重此身之後事功成漁樵歸路林光暝
秋雨晴時月色清試問祠堂何處是青山十里暮鐘聲

濂溪祠在九都橋亭邨

縣志

忠義祠在城內計家巷同治四年建祀咸豐三年及同

治二年殉難諸人

縣志

教忠祠在濂溪港咸豐十一年建祀淩註經及殉難鄉

勇百七人

縣志

節孝祠在土地祠左

謝志以
上彭澤

江西通志卷七十七